




IPOA

ა(ა)იპ ქონებრივი უფლებების კოლექტიურ საფუძველზე მმართველი ორგანიზაცია –
ინტელექტუალური საკუთრების მფლობელთა ასოციაცია
გამჭვირვალობის წლიური ანგარიში

2024

სარჩევი:

დამოუკიდებელი მარწმუნებელი ანგარიში

შესავალი და საერთო მიმოხილვა.....	9
1. ინფორმაცია ფინანსური ანგარიშგების შესახებ, რომელიც მოიცავს ბალანსს ან აქტივებისა და ვალდებულებების ანგარიშგებას, ფინანსური წლის განმავლობაში შემოსავლებისა და ხარჯების წლიურ ანგარიშს და ფულადი სახსრების მოძრაობის ანგარიშგებას.....	10
2. ინფორმაცია აქტიური ლიცენზიების შესახებ (მათ შორის, ახალი ლიცენზიების თაობაზე, რომელთა გაცემაც მოხდა საანგარიშო კალენდარული წლის განმავლობაში, დაყოფილი უფლების ან უფლებების კატეგორიების მიხედვით) და ლიცენზიის გაცემაზე უარის თქმის შესახებ	10
2.1 საჯარო გადაცემის უფლება.....	10
2.2 საჯარო შესრულების უფლება	11
2.3 ნაწარმოების რეპროდუცირება ფიზიკურ პირთა მიერ პირადი სარგებლობისთვის (კერძო კოპირება)	11
3. ქონებრივი უფლებების კოლექტიურ საფუძველზე მმართველი ორგანიზაციის სამართლებრივი სტრუქტურისა და მმართველობითი სტრუქტურის აღწერა	13
3.1 ასოციაციის მართვის ორგანოები:.....	13
3.1.1 ასოციაციის წევრთა საერთო კრება	13
3.1.2 ასოციაციის გამგეობა.....	13
3.1.3 ასოციაციის უფლებამფლობელთა საბჭო	14
3.2 სამეთვალყურეო საბჭო	15
3.3 ხელმძღვანელობასა და წარმომადგენლობაზე უფლებამოსილი პირები	15
3.3.1 გენერალური დირექტორი	16
3.3.2 ასოციაციის თავმჯდომარე	16
3.3.3 საერთაშორისო ურთიერთობების დირექტორი.....	16
4. ინფორმაცია ნებისმიერი იურიდიული პირის შესახებ, რომელსაც პირდაპირ ან ირიბად ფლობს ან აკონტროლებს, მთლიანად ან ნაწილობრივ, ქონებრივი უფლებების კოლექტიურ საფუძველზე მმართველი ორგანიზაცია	17
5. ინფორმაცია ორგანიზაციის თავმჯდომარის, გამგეობის, ავტორთა და შემსრულებელთა საბჭოს და სხვა კომისიებისა და საბჭოების წევრებისა და ხელმძღვანელი პირებისთვის გადახდილი ანაზღაურების მთლიანი ოდენობის და მათთვის მინიჭებული სხვა სარგებლის შესახებ	17
6. ფინანსური ინფორმაცია შეგროვებული ჰონორარების შესახებ.....	17
შეგროვებული ჰონორარები უფლებათა კატეგორიების მიხედვით	18
შეგროვებული ჰონორარები გამოყენების ტიპისა და მოსარგებლეთა კატეგორიების მიხედვით ..	18
7. ფინანსური ინფორმაცია უფლებების მართვის საფასურისა და ქონებრივი უფლებების კოლექტიურ საფუძველზე მმართველი ორგანიზაციის მიერ უფლების მფლობელებისთვის მიწოდებული სხვა მომსახურების შესახებ.....	20
7.1 სამართავად გაწეული ყველა ფინანსური ხარჯი.....	21
7.2 ფინანსური, მათ შორის, სოციალურ, კულტურულ და საგანმანათლებლო მომსახურებებზე გაწეული ხარჯები	21
8. ინფორმაცია შეგროვებული ჰონორარების შესახებ	22

8.1 უფლების მფლობელებისთვის შეგროვებული ჯამური თანხა, უფლების კატეგორიისა და გამოყენების ტიპის მიხედვით	22
8.2 უფლების მფლობელებისთვის გადახდილი ჯამური ჰონორარები, უფლების კატეგორიისა და გამოყენების ტიპის მიხედვით	22
გადახდების შესრულების სიხშირე, უფლების კატეგორიისა და გამოყენების ტიპის მიხედვით	24
8.4 ინფორმაცია მთლიანი შეგროვებული თანხის შესახებ, რომელიც ჯერ არ განაწილებულა უფლების მფლობელებზე, უფლების კატეგორიის და გამოყენების ტიპის მიხედვით იმ ფინანსური წლის მითითებით, რომელშიც ეს თანხები შეგროვდა.....	25
8.5 ინფორმაცია მთლიანი შეგროვებული თანხის შესახებ, რომელიც ჯერ არ განაწილებულა იდენტიფიცირებულ უფლების მფლობელებზე უფლების კატეგორიისა და გამოყენების ტიპის მიხედვით იმ ფინანსური წლის მითითებით, რომელშიც ეს თანხები შეგროვდა	25
8.6 ქონებრივი უფლებების კოლექტიურ საფუძველზე მმართველი ორგანიზაციის მიერ ბოლო 2 წლის განმავლობაში განაწილებისა და გადახდების განუხორციელებლობის შემთხვევაში – მისი დაგვიანების მიზეზები	25
8.7 ინფორმაცია ჯამური გაუნაწილებელი თანხების შესახებ და ამ თანხების გამოყენების შემთხვევაში – ახსნა-განმარტება, თუ რა მიზნით იქნა გამოყენებული ეს თანხები.....	26
8.8 ქონებრივი უფლებების კოლექტიურ საფუძველზე მმართველი ორგანიზაციის მიერ თანხების გადახდის დაგვიანების შემთხვევაში – სპეციალურ ანგარიშებზე არსებულ თანხებზე დარიცხული სარგებლის და ამ სარგებლის განაწილების შესახებ ინფორმაცია.....	26
9. ინფორმაცია სხვა ანალოგიურ ორგანიზაციებთან ურთიერთობის შესახებ.....	26
9.1 სხვა ანალოგიური ორგანიზაციებიდან მიღებული და მათთვის გადახდილი თანხები, უფლების კატეგორიის, გამოყენების ტიპისა და ორგანიზაციის მიხედვით	26
9.2 სხვა ანალოგიური ორგანიზაციებისთვის შეგროვებული ჰონორარებიდან უფლების მართვის საფასური.....	26
9.3 ინფორმაცია სხვა ქონებრივი უფლებების კოლექტიურ საფუძველზე მმართველი ორგანიზაციის მიერ შეგროვებული და გადმორიცხული ჰონორარებიდან უფლებების მართვის საფასურის შესახებ	27
10. ინფორმაცია სოციალური, კულტურული და საგანმანათლებლო მომსახურებების მიზნებისთვის გამოქვითული თანხების გამოყენების შესახებ	27

წინამდებარე გამჭვირვალობის წლიური ანგარიში განახლებული სახით წარმოდგენილია ა(ა)იპ „ქონებრივი უფლებების კოლექტიურ საფუძველზე მმართველი ორგანიზაცია - ინტელექტუალური საკუთრების მფლობელთა ასოციაციის“ (შემდგომში - „ასოციაცია“/„IPOA“) (ს/ნ: 404574475) მიერ კანონმდებლობით დადგენილი მოთხოვნების მიხედვით ჩატარებული აუდიტორული შემოწმების შემდეგ.

აუდიტორული შემოწმების შედეგების და ამავე დროს 2026 წელს შემოსავლების სამსახურის მიერ წარმოდგენილი „წინასწარი გადაწყვეტილების“ გათვალისწინებით დაზუსტებული იქნა რიგი ფინანსური მაჩვენებლები და პარამეტრები. დაზუსტებული მონაცემები სრულად არის ასახუწინამდებარე აუდიტირებულ გამჭვირვალობის ანგარიშში

დამოუკიდებელი მარწმუნებელი ანგარიში

არასამეწარმეო (არაკომერციული) იურიდიული პირის ქონებრივი უფლებების კოლექტიურ საფუძველზე მმართველი ორგანიზაცია – ინტელექტუ- ალური საკუთრების მფლობელთა ასოციაციის ხელმძღვანელებს

განსახილველი საგანის აღწერა

წინამდებარე მარწმუნებელი ანგარიშის განსახილველი საგანია არასამეწარმეო (არაკომერციული) იური-
დიული პირის ქონებრივი უფლებების კოლექტიურ საფუძველზე მმართველი ორგანიზაცია – ინტელექტუ-
ალური საკუთრების მფლობელთა ასოციაციის (ს/კ 404574475. შემდგომ - პასუხისმგებელი მხარე) 2024
წლის 31 დეკემბრის მდგომარეობით მომზადებული გამჭვირვალობის წლიური ანგარიში.

პასუხისმგებელი მხარე, მის მიერ წარმოდგენილ გამჭვირვალობის წლიური ანგარიშში აცხადებს, რომ
გამჭვირვალობის წლიური ანგარიშის მომზადებისას დაიცვა „საავტორო და მომიჯნავე უფლებების
შესახებ საქართველოს კანონის“ (შემდგომ - „კანონი“) 66¹¹ მუხლით გათვალისწინებული გამჭვირვალობის
კრიტერიუმები.

შესაფერისი კრიტერიუმები

პასუხისმგებელი მხარის 2024 წლის გამჭვირვალობის წლიური ანგარიშის შეფასებისთვის გამოყენებულია
„კანონის“ 66¹¹ მუხლით განსაზღვრული კრიტერიუმები, რომლის მიხედვით გამჭვირვალობის წლიური
ანგარიში უნდა შეიცავდეს სულ მცირე შემდეგ ინფორმაციას:

ინანსურ ანგარიშგებას, რომელიც მოიცავს ბალანსს ან აქტივებისა და ვალდებულებების ანგარიშგებას,
ფინანსური წლის განმავლობაში შემოსავლებისა და ხარჯების წლიურ ანგარიშს და ფულადი
სახსრების მოძრაობის ანგარიშგებას;

ქტიური ლიცენზიების შესახებ (მათ შორის, ახალი ლიცენზიების თაობაზე, რომელთა გაცემაც მოხდა
საანგარიშო კალენდარული წლის განმავლობაში, დაყოფილი უფლების ან უფლებების კატეგორიების
მიხედვით) და ლიცენზიის გაცემაზე უარის თქმის შესახებ;

ონებრივი უფლებების კოლექტიურ საფუძველზე მმართველი ორგანიზაციის სამართლებრივი
სტრუქტურისა და მმართველობითი სტრუქტურის აღწერას;

ებისმიერი იურიდიული პირის შესახებ, რომელსაც პირდაპირ ან ირიბად ფლობს ან აკონტროლებს,
მთლიანად ან ნაწილობრივ, ქონებრივი უფლებების კოლექტიურ საფუძველზე მმართველი
ორგანიზაცია;

რგანიზაციის თავმჯდომარის, გამგეობის, ავტორთა და შემსრულებელთა საბჭოს და სხვა კომისიებისა
და საბჭოების წევრებისა და ხელმძღვანელი პირებისთვის გადახდილი ანაზღაურების მთლიანი
ოდენობის და მათთვის მინიჭებული სხვა სარგებლის შესახებ;

ინანსურ ინფორმაციას შეროვებული ჰონორარების შესახებ, მართვის ქვეშ მყოფი უფლებების
კატეგორიის და გამოყენების ტიპის მიხედვით (მაგალითად, მაუწყებლობა, ონლაინშესრულება,
საჯარო შესრულება), მათ შორის, ინფორმაციას ჰონორარების ინვესტიციების შედეგად მიღებული
შემოსავლების და ასეთი შემოსავლების გამოყენების მიზნობრიობის თაობაზე (მიუხედავად იმისა, ის

უფლების მფლობელებს შორის განაწილდა, სხვა ქონებრივი უფლებების კოლექტიურ საფუძველზე მმართველ ორგანიზაციას გადაერიცხა ან სხვა მიზნობრივობით იქნა გამოყენებული);

ინანსურ ინფორმაციას უფლებების მართვის საფასურისა და ქონებრივი უფლებების კოლექტიურ საფუძველზე მმართველი ორგანიზაციის მიერ უფლების მფლობელებისთვის მიწოდებული სხვა მომსახურების შესახებ. ამ ინფორმაციაში დეტალურად უნდა იყოს აღწერილი სულ მცირე შემდეგი საკითხები:

7.1 ყველა სამართავად გაწეული და ფინანსური ხარჯი, რომლებიც მოცემული უნდა იყოს მართვის ქვეშ მყოფი უფლებებისა და უფლებათა კატეგორიების მიხედვით. ნებისმიერი არაპირდაპირი ხარჯი, რომელიც ერთი ან რამდენიმე უფლების კატეგორიას არ მიეკუთვნება, უნდა შეიცავდეს ამ ხარჯების განაწილების მეთოდის აღწერას;

7.2 ნებისმიერი ფინანსური ხარჯები, მათ შორის, სოციალურ, კულტურულ და საგანმანათლებლო მომსახურებებზე გაწეული ხარჯები;

ეგროვილი ჰონორარების (მათი დეტალური აღწერის მითითებით) შესახებ ინფორმაციას, რომელიც სულ მცირე უნდა მოიცავდეს შემდეგ საკითხებს:

8.1 უფლების მფლობელებისთვის შეგროვებულ ჯამურ თანხას, უფლების კატეგორიისა და გამოყენების ტიპის მიხედვით;

8.2 უფლების მფლობელებისთვის გადახდილ ჯამურ ჰონორარს, უფლების კატეგორიისა და გამოყენების ტიპის მიხედვით;

8.3 გადახდების შესრულების სიხშირეს, უფლების კატეგორიისა და გამოყენების ტიპის მიხედვით;

8.4 ინფორმაციას მთლიანი შეგროვებული თანხის შესახებ, რომელიც ჯერ არ განაწილებულა უფლების მფლობელებზე, უფლების კატეგორიისა და გამოყენების ტიპის მიხედვით, და იმ ფინანსური წლის მითითებით, რომელშიც ეს თანხები შეგროვდა;

8.5 ინფორმაციას მთლიანი შეგროვებული თანხის შესახებ, რომელიც ჯერ არ განაწილებულა იდენტიფიცირებულ უფლების მფლობელებზე უფლების კატეგორიისა და გამოყენების ტიპის მიხედვით, და იმ ფინანსური წლის მითითებით, რომელშიც ეს თანხები შეგროვდა;

8.6 ქონებრივი უფლებების კოლექტიურ საფუძველზე მმართველი ორგანიზაციის მიერ ბოლო 2 წლის განმავლობაში განაწილებისა და გადახდების განუხორციელებლობის შემთხვევაში – მისი დაგვიანების მიზეზებს;

8.7 ინფორმაციას ჯამური გაუნაწილებელი თანხების შესახებ და ამ თანხების გამოყენების შემთხვევაში – ახსნა-განმარტებას, თუ რა მიზნით იქნა გამოყენებული ეს თანხები;

8.9 ქონებრივი უფლებების კოლექტიურ საფუძველზე მმართველი ორგანიზაციის მიერ თანხების გადახდის დაგვიანების შემთხვევაში – სპეციალურ ანგარიშებზე არსებულ თანხებზე დარიცხული სარგებლის და ამ სარგებლის განაწილების შესახებ ინფორმაციას;

ხვა ანალოგიურ ორგანიზაციებთან ურთიერთობის შესახებ ინფორმაციას, რომელიც უნდა შეიცავდეს სულ მცირე შემდეგ ინფორმაციას:

9.1 სხვა ანალოგიური ორგანიზაციებიდან მიღებულ და მათთვის გადახდილ თანხებს, უფლების კატეგორიის, გამოყენების ტიპისა და ორგანიზაციის მიხედვით;

9.2 სხვა ანალოგიური ორგანიზაციებისთვის შეგროვებული ჰონორარებიდან უფლების მართვის საფასურის შესახებ, უფლებებისა და უფლებების კატეგორიის, გამოყენების ტიპისა და ორგანიზაციის მიხედვით;

9.3 სხვა ქონებრივი უფლებების კოლექტიურ საფუძველზე მმართველი ორგანიზაციის მიერ შეგროვებული და გადმორიცხული ჰონორარებიდან უფლებების მართვის საფასურის შესახებ, უფლებებისა და უფლებების კატეგორიის, გამოყენების ტიპისა და ორგანიზაციის მიხედვით (ასეთის არსებობის შემთხვევაში);

ოციალური, კულტურული და საგანმანათლებლო მომსახურებების მიზნებისთვის გამოქვითული თანხების გამოყენების შესახებ დეტალურ ინფორმაციას, რომელიც უნდა შეიცავდეს ფინანსური წლის განმავლობაში სოციალური, კულტურული და საგანმანათლებლო მომსახურებების მიზნებისთვის გამოქვითული თანხების ოდენობასა და თითოეულის მიზნობრივობის ტიპის თაობაზე ინფორმაციას.

სპეციფიკური მიზანი და მარწმუნებელი ანგარიშის გავრცელების შეზღუდვა

მარწმუნებელი ანგარიში გამიზნულია მხოლოდ სპეციფიკური მომხმარებლებისათვის, ვისთვისაც ხელმისაწვდომია განსახილველი საგნის ინფორმაციის აღწერაში ნახსენები „კანონის“ შინაარსი. შესაფერისი კრიტერიუმები გამოყენებულია მხოლოდ კონკრეტული განსახილველი საგნის შესაფასებლად. შესაბამისად, განსახილველი საგნის ინფორმაცია და მარწმუნებელი ანგარიში შეიძლება არ გამოდგეს სხვა მიზნებისათვის. ჩვენი მოსაზრება მოდიფიცირებული არ არის ამ საკითხთან მიმართებით.

პასუხისმგებელი მხარე და მისი ხელმძღვანელობის პასუხისმგებლობა

პასუხისმგებელ მხარეს წარმოადგენს არასამეწარმეო (არაკომერციული) იურიდიული პირი ქონებრივი უფლებების კოლექტიურ საფუძველზე მმართველი ორგანიზაცია – ინტელექტუალური საკუთრების მფლობელთა ასოციაციის (ს/კ 404574475). მისი ხელმძღვანელობა პასუხისმგებელია შესაბამისი განსახილველი საგნის შესახებ ჩვენთვის წარმოდგენილ ინფორმაციაზე, ასევე შიდა კონტროლზე, რომელსაც აუცილებლად მიიჩნევს ისეთი ინფორმაციის მოსამზადებლად, რომელიც არ შეიცავს საეჭვო ან სავარაუდო წინასწარგანზრახული ქმედებით, კანონმდებლობის მოთხოვნების დარღვევით ან შეცდომით გამოწვეულ არსებით უზუსტობას.

აუდიტორის პასუხისმგებლობა

ჩვენი მიზანია, მოვიპოვოთ დასაბუთებული რწმუნება იმის თაობაზე, პასუხისმგებელმა მხარემ დააკმაყოფილა თუ არა გამჭვირვალობის წლიური ანგარიშის მოსამზადებლად „კანონის“ 66¹¹ მუხლით განსაზღვრული კრიტერიუმები; შევავსოთ შესაბამისი განსახილველი საგნი და შევადგინოთ დამოუკიდებელი მარწმუნებელი ანგარიში, რომელიც მოიცავს ჩვენს მოსაზრებას.

გამოყენებული სტანდარტი

გარიგება ჩავატარეთ გადასინჯული მარწმუნებელი გარიგებების საერთაშორისო სტანდარტი (მასს) 3000 - ის „მარწმუნებელი გარიგებები გასული პერიოდების ფინანსური ინფორმაციის აუდიტისა და მიმოხილვის გარდა“ შესაბამისად.

ხარისხის მართვა

ჩვენი აუდიტორული ფირმა იყენებს ხარისხის მართვის საერთაშორისო სტანდარტ 1-ს, რომელიც ფირმას ავალდებულებს ხარისხის მართვის სისტემის შექმნას, დანერგვასა და ფუნქციონირებას, მათ შორის, ისეთი პოლიტიკის ან პროცედურების, რომლებიც ეხება ეთიკური მოთხოვნების, პროფესიული სტანდარტების და სათანადო საკანონმდებლო და მარეგულირებელი მოთხოვნების დაცვის უზრუნველყოფას.

დამოუკიდებლობა და სხვა ეთიკური მოთხოვნები

ჩვენ დავიცავით ბუღალტერთა ეთიკის საერთაშორისო სტანდარტების საბჭოს მიერ გამოცემული პროფესიონალი ბუღალტრების ეთიკის კოდექსით [„ეთიკის საერთაშორისო კოდექსის სახელმძღვანელო პროფესიონალი ბუღალტრებისთვის (მათ შორის დამოუკიდებლობის საერთაშორისო სტანდარტები)] განსაზღვრული, დამოუკიდებლობასთან დაკავშირებული და სხვა ეთიკური ნორმები, რომლებიც დაფუძნებულია პატიოსნების, ობიექტურობის, პროფესიული კომპეტენციისა და სათანადო გულისხმიერების, კონფიდენციალობისა და პროფესიული ქცევის ძირითად პრინციპებზე.

შესრულებული სამუშაოს რეზიუმე

დასაბუთებული რწმუნების მოპოვების მიზნით:

1. სათანადოდ დავგეგმეთ გარიგება. განვსაზღვრეთ გარიგების ფარგლები, ჩატარების ვადები და საერთო მიმართულებები;
2. გამოვკითხეთ განსახილველი საგნის ინფორმაციაზე პასუხისმგებელ მხარეს გააჩნდა თუ არა ინფორმაცია რაიმე ფაქტობრივი, საეჭვო ან სავარაუდო წინასწარგანზრახული უზუსტობის ან კანონმდებლობის მოთხოვნების დარღვევის შესახებ, რაც გავლენას მოახდენდა განსახილველი საგნის ინფორმაციაზე;
3. მოვიპოვეთ საკმარისი და შესაფერისი მტკიცებულებები განსახილველი საგნის შესახებ;
4. შევავსეთ მტკიცებულებად გამოიყენებული ინფორმაციის შესაფერისობა და საიმედოობა;
5. მოვიპოვეთ ოფიციალური წერილი განსახილველი საგნის ინფორმაციაზე პასუხისმგებელი პირისაგან გარიგებისათვის შესაფერისი ინფორმაციის სრულად მოწოდების შესახებ.

ჩატარებული სამუშაოების საფუძველზე დავადგინეთ, რომ:

ინანსური ანგარიშგება

- „კანონით“ არაა განსაზღვრული გამჭვირვალობის წლიური ანგარიშის კომპონენტის ფინანსურ

ანგარიშგების მომზადების საფუძვლები. პასუხისმგებელმა მხარემ გამოიყენა „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონით არასამეწარმეო არაკომერციულ) იურიდიულ პირებისთვის მინიჭებული უფლება ფინანსური ანგარიშგების საერთაშორისო სტანდარტების (ფას სტანდარტები) გამოყენების შესახებ და 2024 წლის 31 დეკემბრით დამთავრებული წლის ფინანსური ანგარიშგება მოამზადა ფას სტანდარტების გამოყენებით, რაც არ ეწინააღმდეგება „კანონის“ მოთხოვნებს;

- გონივრულ ფარგლებში არაა მოსალოდნელი, რომ ფინანსური ანგარიშგების ინფორმაცია გავლენას მოახდენს ამ ფინანსური ანგარიშგების მომხმარებლების მიერ მიღებულ გადაწყვეტილებაზე;
- ფინანსური ანგარიშგების ინფორმაცია შეცდომაში არ შეიყვანს კომერციული და ეკონომიკური საქმიანობის შესაფერისი ცოდნის მქონე მომხმარებლებს; და
- გამჭვირვალობის წლიურ ანგარიშში ჩართული ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს პასუხისმგებელი მხარის ფინანსურ მდგომარეობას 2024 წლის 31 დეკემბრის მდგომარეობით, აგრეთვე მისი საქმიანობის ფინანსურ შედეგებსა და ფულადი სახსრების მოძრაობას იმ წლისთვის, რომელიც დასრულდა მოცემული თარიღით, ფინანსური ანგარიშგების საერთაშორისო სტანდარტების შესაბამისად.

ექტიური ლიცენზიები

- პასუხისმგებელმა მხარემ ლიცენზიების გაცემა დაიწყო 2024 წელს. გამჭვირვალობის წლიურ ანგარიშში ასახულია ინფორმაცია აქტიური ლიცენზიებისა და ლიცენზიის გაცემაზე უარის თქმის შესახებ.

ამართლებრივი სტრუქტურის აღწერა

- გამჭვირვალობის წლიურ ანგარიშში დეტალურადაა აღწერილი პასუხისმგებელი მხარის სამართლებრივი სტრუქტურა და მმართველობითი სტრუქტურა.

იურიდიული პირის ფლობა ან კონტროლი

- პასუხისმგებელი მხარე საანგარიშო პერიოდში არ ფლობდა და არ აკონტროლებდა პირდაპირ ან/და ირიბად იურიდიულ პირ(ებ)ს. აღნიშნული ინფორმაცია გამჟღავნებულია გამჭვირვალობის წლიურ ანგარიშში.

ადახდილი ანაზღაურება და სხვა სარგებელი

- გამჭვირვალობის წლიურ ანგარიშში წარმოდგენილია ინფორმაცია მმართველი და ხელმძღვანელი ორგანოს პერსონალისათვის წლის განმავლობაში გადახდილი ანაზღაურების მთლიანი ოდენობის და მათთვის მინიჭებული სხვა სარგებლის შესახებ.

ნფორმაცია შეგროვებული ჰონორარების შესახებ

- პასუხისმგებელი მხარის მიერ შეგროვილი ჰონორარები (მართვის საფასურის გამოქვითვის შემდეგ) გამოყენებული იყო მხოლოდ უფლების მფლობელებზე გასანაწილებლად. ჰონორარების ინვესტირება და მისგან შემოსავლების მიღების ფაქტი არ დაფიქსირებულა. ინფორმაცია შეგროვებული ჰონორარებისა და მათი გამოყენების შესახებ გამჭვირვალობის წლიურ ანგარიშში აღწერილია დეტალურად.

უფლების მართვის საფასური და უფლების მფლობელებისთვის მიწოდებული სხვა მომსახურება

- პასუხისმგებელმა მხარემ 2024 წელს უფლებების მართვის საფასურის სახით გამოქვითვა განახორციელა მხოლოდ იმ თანხების ნაწილზე, რომლებიც განაწილდა უფლების მფლობელებზე. დანარჩენი შეგროვებული თანხიდან, რომელიც ვერ განაწილდა უფლების მფლობელთა იდენტიფიცირების შეუძლებლობისა და/ან მიუკვლელობის გამო, უფლების მართვის საფასური არ გამოქვითულა და პასუხისმგებელი მხარის შემოსავლად არ აღიარებულა;
- გამჭვირვალობის წლიურ ანგარიშში აღწერილია უფლების მართვის საფასურის ოდენობა შემოსულობის წყაროების მიხედვით და ინფორმაცია გაწეული ხარჯების შესახებ;
- პასუხისმგებელ მხარეს უფლების მფლობელებისთვის, ჰონორარების შეგროვებისა და განაწილების

გარდა, სხვა მომსახურება არ შეუსრულებია.

ეგროვილი ჰონორარები

- გამჭვირვალობის წლიურ ანგარიშში დეტალურადაა აღწერილი ინფორმაცია შეგროვილი ჰონორარების შესახებ;

შეგროვილი ჰონორარების შესახებ ინფორმაცია, უფლების კატეგორიისა და გამოყენების ტიპის მიხედვით, მოიცავს შეგროვებულ ჯამურ თანხას; უფლების მფლობელებისთვის გადახდილ ჯამურ ჰონორარს; გადახდების შესრულების სიხშირეს; ინფორმაციას იმ თანხების შესახებ, რომელიც ჯერ არ განაწილებულა უფლების მფლობელებზე, უფლების მფლობელთა იდენტიფიცირების შეუძლებლობისა და/ან მიუკვლეველობის გამო; სხვა ინფორმაციას, რომლის აღწერაც მოთხოვნილია შეგროვილ ჰონორართან დაკავშირებით „კანონის“ შესაბამისად.

- საანგარიშო პერიოდში შეგროვებული ჰონორარის თანხები მთლიანად დაექვემდებარა განაწილებას; განაწილებული ჰონორარები დროულად იქნა გადახდილი იდენტიფიცირებულ უფლების მფლობელებზე;

სხვა ანალოგიურ ორგანიზაციებთან ურთიერთობა

- უფლების მფლობელების ინტერესების გათვალისწინებით, პასუხისმგებელი მხარე ურთიერთობას ამყარებს სხვა ანალოგიურ ორგანიზაციებთან;
- გამჭვირვალობის წლიური ანგარიში ასახავს ინფორმაციას სხვა ანალოგიური ორგანიზაციებიდან მიღებული ჰონორარების მოცულობის და მართვის საფასურის შესახებ;

- საანგარიშო წლის განმავლობაში სხვა ანალოგიური ორგანიზაციებისთვის გადასახდელი ჰონორარის იდენტიფიცირება არ მომხდარა და შესაბამისად, გადახდის ფაქტი არ დამდგარა.

ამოქვეითები სოციალური, კულტურული და საგანმანათლებლო მომსახურებების მიზნებისთვის

- საანგარიშო პერიოდში შეგროვილი ჰონორარებიდან არ ყოფილა გამოქვითული თანხები სოციალური, კულტურული და საგანმანათლებლო მომსახურებების მიზნებისთვის

2024 წლის 31 დეკემბრით დასრულებული საფინანსო წლისთვის მომზადებულ გამჭვირვალობის წლიურ ანგარიშში წარმოდგენილი ინფორმაცია სამართლიანად ასახავს პასუხისმგებელი მხარის საქმიანობით მიღწეულ შედეგებს.

დასკვნა

ჩვენი აზრით, არასამეწარმეო (არაკომერციული) იურიდიული პირი ქონებრივი უფლებების კოლექტიურ საფუძველზე მმართველი ორგანიზაცია – ინტელექტუალური საკუთრების მფლობელთა ასოციაციის ხელმძღვანელობის მტკიცება იმის შესახებ, რომ 2024 წლის 31 დეკემბრით დასრულებული საფინანსო წლის გამჭვირვალობის წლიური ანგარიში სათანადოდ არის მომზადებული, საავტორო და მომიჯნავე უფლებების შესახებ საქართველოს კანონით განსაზღვრული კრიტერიუმების საფუძველზე, ყველა არსებითი ასპექტის გათვალისწინებით, სამართლიანი განცხადებაა.

აუდიტორი

რევაზ ძამამია

21 აგვისტო 2026 წ.

შესავალი და საერთო მიმოხილვა

ა(ა)იპ „ქონებრივი უფლებების კოლექტიურ საფუძველზე მმართველი ორგანიზაცია – ინტელექტუალური საკუთრების მფლობელთა ასოციაცია“ (შემდგომში - „ასოციაცია“/„IPOA“) ს/ნ: 404574475) წარმოადგენს ქართველ საავტორო და მომიჯნავე უფლებების მფლობელთა მიერ დაფუძნებულ ქონებრივი უფლებების კოლექტიურ საფუძველზე მმართველ ერთადერთ აკრედიტირებულ ორგანიზაციას. ასოციაცია ფუნქციონირებს არასამეწარმეო (არაკომერციული) იურიდიული პირის - ასოციაციის სამართლებრივი ფორმით, რომელიც რეგისტრირებულია მეწარმეთა და არასამეწარმეო (არაკომერციული) იურიდიულ პირთა რეესტრში.

ასოციაცია თავის უფლებამოსილებებს ახორციელებს საქართველოს კანონმდებლობისა და საერთაშორისო სამართლის საყოველთაოდ აღიარებული პრინციპებისა და ნორმების შესაბამისად, მათ შორის „საავტორო და მომიჯნავე უფლებების შესახებ“ საქართველოს კანონით (შემდგომში - „კანონი“).

სსიპ საქართველოს ინტელექტუალური საკუთრების ეროვნულმა ცენტრმა - „საქპატენტმა“ შემდგომში „საქპატენტი“ 2023 წლის 29 დეკემბერს (#438 ბრძანება), ქონებრივი უფლებების კოლექტიურ საფუძველზე მმართველი ორგანიზაციის აკრედიტაციის კომისიის 2023 წლის 28 დეკემბრის N3 სხდომის ოქმით მიღებული გადაწყვეტილების საფუძველზე, ასოციაციას მიანიჭა აკრედიტაცია რის საფუძველზეც იგი უფლებამოსილია, უზრუნველყოს უფლებამფლობელთა ქონებრივი უფლებების კოლექტიური მართვა.

2024 წლის განმავლობაში IPOA-მ, საქპატენტის მიერ მინიჭებული მანდატის ფარგლებში, უზრუნველყო კანონმდებლობით გათვალისწინებული უფლებამოსილებებისა და ვალდებულებების შესრულება. გაფორმდა შესაბამისი სალიცენზიო ხელშეკრულებები საავტორო და მომიჯნავე უფლებებით დაცული ნაწარმოებების და/ან კანონით დაცული სხვა ობიექტის გამოყენების შესახებ. აღნიშნული მნიშვნელოვნად ზრდის ლიცენზირებული სუბიექტების რაოდენობას და უზრუნველყოფს უფლებამფლობელთა კანონიერი უფლებებისა და ინტერესების დაცვას.

2024 წლის განმავლობაში ასოციაციამ უფლებამფლობელთა სასარგებლოდ განახორციელა შემდეგი ქმედებები:

- უზრუნველყო ჰონორარების შეგროვება, როგორც წევრი, ისე არაწევრი უფლებამფლობელების სასარგებლოდ, გაცემული ლიცენზიების და/ან ასოციაციის მიერ მართული სხვა უფლებების საფუძველზე;
- უზრუნველყო უფლებამფლობელთა სასარგებლოდ შეგროვებული ჰონორარის განაწილება კანონით და ასოციაციის მიერ დადგენილი წესის მიხედვით;
- უზრუნველყო სასამართლო პროცესების წარმართვა უფლებამფლობელთა ინტერესების დაცვისა და მათი დარღვეული და/ან სადავოდ ქცეული უფლებების აღდგენის მიზნით;
- უზრუნველყო კანონით გათვალისწინებული ინფორმაცია/დოკუმენტაციის (წესდება, სატარიფო გეგმები/ცხრილი, წევრობის წესები, ურთიერთწარმომადგენლობის ხელშეკრულებების შესახებ ინფორმაცია და სხვა) საჯაროდ გამოქვეყნება.

IPOA საქმიანობას აგრძელებს უფლებამფლობელთა ინტერესების დასაცავად თანამედროვე ტექნოლოგიური გამოწვევების პირობებში, ეროვნული კანონმდებლობის და საერთაშორისო მოთხოვნების სრული დაცვით.

ხელმძღვანელობა აცხადებს, რომ წინამდებარე გამჭვირვალობის წლიური ანგარიში 2024 წლის 31 დეკემბრით დასრულებული წლისათვის, სრულად შეესაბამება საავტორო და მომიჯნავე უფლებების შესახებ საქართველოს კანონის (შემდგომში - კანონი) 66¹¹ მუხლით განსაზღვრულ კრიტერიუმებს.

1. ინფორმაცია ფინანსური ანგარიშგების შესახებ, რომელიც მოიცავს ბალანსს ან აქტივებისა და ვალდებულებების ანგარიშგებას, ფინანსური წლის განმავლობაში შემოსავლებისა და ხარჯების წლიურ ანგარიშს და ფულადი სახსრების მოძრაობის ანგარიშგებას

ინფორმაცია ფინანსური ანგარიშგების შესახებ დანართი N1-ის სახით იხ. წინამდებარე დოკუმენტის ბოლოს.

2. ინფორმაცია აქტიური ლიცენზიების შესახებ (მათ შორის, ახალი ლიცენზიების თაობაზე, რომელთა გაცემაც მოხდა საანგარიშო კალენდარული წლის განმავლობაში, დაყოფილი უფლების ან უფლებების კატეგორიების მიხედვით) და ლიცენზიის გაცემაზე უარის თქმის შესახებ

2024 წელს ასოციაციის მიერ შესაბამისი ლიცენზიები გაიცა სხვადასხვა უფლებათა კატეგორიის მოსარგებლეებისთვის, რაც მათ ანიჭებს უფლებას, კანონიერად ისარგებლონ საავტორო და მომიჯნავე უფლებებით დაცული ნაწარმოებებით და კანონით დაცული სხვა ობიექტებით.

ქვემოთ წარმოდგენილი ყველა ლიცენზია გაცემულია, საქპატენტის 2023 წლის 29 დეკემბრის №438 ბრძანებით ასოციაციისთვის აკრედიტაციის მინიჭების შემდეგ.

ამავე ნაწილში წარმოდგენილია მონაცემები, რომლებიც უკავშირდება კანონის 21-ე მუხლით განსაზღვრული უფლებების მართვას, ე.წ. კერძო კოპირება. საგულისხმოა, რომ კერძო კოპირების შემთხვევაში ასოციაცია ჰონორარს/კომპენსაციას აგროვებს ლიცენზიის გაცემის გარეშე და მისი საფუძველი კანონისმიერია.

ქვემოთ წარმოდგენილია დეტალური ინფორმაცია 2024 წლის პერიოდში გაცემული აქტიური ლიცენზიების და კერძო კოპირების შესახებ, დაყოფილი უფლებებისა და უფლებათა კატეგორიების მიხედვით.

საჯარო გადაცემის უფლება

კანონის მე-4 მუხლის „ჟ“ ქვეპუნქტის თანახმად, საჯარო გადაცემა გულისხმობს „ნაწარმოების, შესრულების, ფონოგრამის, ვიდეოგრამის, მონაცემთა ბაზის, მაუწყებლობის ორგანიზაციის გადაცემის გამოსახულების ან/და ხმის გადაცემა ეთერში, კაბელით ან სხვა საშუალებით (გარდა ნაწარმოების ან ფონოგრამის ასლების გავრცელებისა) ისე, რომ გადაცემის გამოსახულება ან/და ხმა შესაძლებელია აღიქვან პირებმა, რომლებიც არ მიეკუთვნებიან ოჯახის ან ოჯახის ახლომდებარე წრეს, იმ ადგილზე (ადგილებზე), რომელიც იმდენადაა დაშორებული გადაცემის ადგილიდან, რომ ასეთი გადაცემის გარეშე გამოსახულება ან/და ხმა არ შეიძლება აღქმულ იქნეს მიღების ადგილზე (ადგილებზე), მათ შორის, გადაიცეს ისე, რომ საავტორო ან მომიჯნავე უფლების ობიექტები, მონაცემთა ბაზები ხელმისაწვდომი იყოს ნებისმიერი პირისათვის მის მიერ არჩეულ დროს და ადგილიდან.“

ასოციაცია, საჯარო გადაცემის უფლებასთან დაკავშირებით ლიცენზიების გაცემას ახორციელებს მუსიკალურ ნაწარმოებებზე (ტექსტით და მის გარეშე), დრამატულ და მუსიკალურ-დრამატურგიულ ნაწარმოებებზე, სახვითი ხელოვნების და დეკორატიულ-გამოყენებითი ხელოვნების, ლიტერატურული, სასცენო, ქორეოგრაფიულ ნაწარმოებებზე, პანტომიმებზე, ფოტოგრაფიულ ნაწარმოებებზე, რომლებიც მიღებულია ფოტოგრაფირების ანალოგიურ მეთოდებზე.

საჯარო გადაცემის ლიცენზირების ფარგლებში ასოციაცია უზრუნველყოფს შესაბამის მოსარგებლებთან სალიცენზიო ხელშეკრულებების გაფორმებას, რომელთა საფუძველზეც ასოციაცია მათგან აგროვებს ჰონორარს მუსიკალური ნაწარმოებებისა და ფონოგრამების გამოყენებისათვის, როგორც საავტორო, ასევე მომიჯნავე უფლებების სუბიექტთა სასარგებლოდ მიღებული ჰონორარის უფლებამფლობელთათვის შემდგომი განაწილების მიზნით.

საანგარიშო პერიოდში, ასოციაციის მიერ საჯარო გადაცემის უფლებაზე, უფლებათა კატეგორიების მიხედვით, გაიცა 18 აქტიური ლიცენზია, რომლის ფარგლებშიც ხორციელდება სხვადასხვა ჟანრის

ტელე/რადიო პროგრამების შექმნა და საჯარო გადაცემა; მუსიკალური ნაწარმოების და ფონოგრამების საჯარო გადაცემა; მაუწყებლობის სიგნალის ხელახალი გადაცემა საბოლოო მომხმარებელამდე.

საჯარო შესრულების უფლება

კანონის მე-4 მუხლის „რ“ ქვეპუნქტის თანახმად, საჯარო შესრულება გულისხმობს „ნაწარმოების, შესრულების, ფონოგრამის, ვიდეოგრამის, მაუწყებლობის ორგანიზაციის გადაცემის წარმოდგენა დეკლამაციის, თამაშობის, სიმღერის, ცეკვის ან სხვა სახით, უშუალოდ (ცოცხალი შესრულება) ან ნებისმიერი მოწყობილობის მეშვეობით, ადგილზე (ადგილებზე), სადაც საჯარო შესრულება შეიძლება აღქმულ იქნეს საჯარო გადაცემის აუცილებლობის გარეშე და სადაც ესწრებიან ან შეიძლება ესწრებოდნენ პირები, რომლებიც არ მიეკუთვნებიან ოჯახის ან ოჯახის ახლობელთა წრეს. აუდიოვიზუალური ნაწარმოების საჯარო შესრულებად ითვლება ნაწარმოების გამოსახულებათა ჩვენება თანამიმდევრობით.“

ნაწარმოებთა საჯარო შესრულების გზით გამოყენება, კანონით მოითხოვს შესაბამისი ლიცენზიის მოპოვებას, რაც უფლებამფლობელების ინტერესების დაცვისა და ჰონორარის შეგროვების უზრუნველყოფის სამართლებრივ მექანიზმს წარმოადგენს.

საჯარო შესრულების ლიცენზირების ფარგლებში, ასოციაცია უზრუნველყოფს, სალიცენზიო ხელშეკრულებების გაფორმებას, რომლის საფუძველზეც ასოციაცია აგროვებს ჰონორარს მუსიკალური ნაწარმოებებისა და ფონოგრამების გამოყენებისათვის, როგორც საავტორო, ასევე მომიჯნავე უფლებათა სუბიექტთა სასარგებლოდ და მის საფუძველზე მიღებული ჰონორარის, უფლებამფლობელთათვის განაწილებას.

მოსარგებლეთა მიერ, ნაწარმოებთა საჯარო შესრულების უფლებით სარგებლობის მიზნით, ასოციაცია ლიცენზიებს გასცემს ნაწარმოებებზე (მუსიკალური ნაწარმოებები, ტექსტით და მის გარეშე), დრამატული და მუსიკალურ-დრამატურგიულ ნაწარმოებებზე, ლიტერატურული, სასცენო, ქორეოგრაფიულ ნაწარმოებებზე, პანტომიმებზე; სხვადასხვა წარმოდგენების (თეატრალური, საოპერო, საცირკო და სხვა) შემთხვევაში, ჰონორარი გროვდება, როგორც წარმოდგენებში გამოყენებული მუსიკალური ნაწარმოებების ავტორების სასარგებლოდ, ასევე მასში მონაწილე სხვა ავტორთა (მათ შორის, ლიტერატურული ნაწარმოების ავტორი, სცენარის ავტორი, კოსტიუმების მხატვარი და სხვა) სასარგებლოდ. ამრიგად, შესაბამისი ხელშეკრულებების საფუძველზე, ასოციაცია აგროვებს ჰონორარებს შემოქმედებითი ჯგუფის (საავტორო და მომიჯნავე სუბიექტები) ყველა კატეგორიის ინტერესებიდან გამომდინარე, რომელთა შემოქმედებითი ნამუშევარი გამოიყენება სხვადასხვა საქმიანობაში/დადგმაში.

საანგარიშო პერიოდში, ასოციაციის მიერ საჯარო შესრულების უფლებაზე, უფლებათა კატეგორიების მიხედვით გაცემული ლიცენზიებით, დაფარულია 1137 პირის 2191 ობიექტი, რომლის ფარგლებშიც მოსარგებლეთა მიერ ხორციელდება ნაწარმოებთა საჯარო შესრულება.

ნაწარმოების რეპროდუცირება ფიზიკურ პირთა მიერ პირადი სარგებლობისთვის (კერძო კოპირება)

ასოციაცია კანონის 21-ე მუხლის მე-3 პუნქტის და 51-ე მუხლის მე-3 პუნქტით გათვალისწინებული უფლებების მართვას ახორციელებს საქპატენტის ბრძანების 1.2. პუნქტის საფუძველზე.

კერძო კოპირებით გათვალისწინებული ჰონორარის გადახდა ხორციელდება იმპორტიორებისა და მწარმოებლების მიერ იმ მოწყობილობებისა და მატერიალური მატარებლების იმპორტისა თუ წარმოების შემთხვევაში, რომლებიც განკუთვნილია კერძო კოპირებისთვის.

საგულისხმოა, რომ 2024 წლის იანვარში ასოციაციამ დაადგინა ფიზიკურ პირთა მიერ აუდიოვიზუალური ნაწარმოების ან ფონოგრამაზე ჩაწერილი ნაწარმოების პირადი სარგებლობისთვის რეპროდუცირებისას, ასევე პირადი სარგებლობისთვის ფონოგრამის ან ვიდეოგრამის რეპროდუცირებისას გამოსაყენებელი მოწყობილობებისა და მატერიალური მატარებლების იმპორტიორებისათვის, მოწყობილობებისა და მატერიალური მატარებლების სახეობები, მათი კოდები და ჰონორარის ოდენობა/ტარიფი. ხსენებული სატარიფო განაკვეთის ეკონომიკურ ღირებულებასთან შესაბამისობის დადგენის მიზნით, ასოციაციამ ექსპერტიზის ჩატარების მოთხოვნით მიმართა ლევან სამხარაულის ექსპერტიზის ეროვნულ ბიუროს (შემდგომში - „ბიურო“). ბიუროს მიერ გაცემული დასკვნის მიღების შემდგომ, ასოციაციის

უფლებამფლობელთა საბჭომ დაადგინა სატარიფო განაკვეთი, რის შემდგომაც ასოციაციამ დაიწყო მოლაპარაკებების წარმოება სხვადასხვა იმპორტიორთან. მხარეთა შორის შეთანხმების მიუღწევლობის გამო, ასოციაციამ საქართველოს კანონმდებლობით დადგენილი წესით მიმართა საქპატენტის თავმჯდომარის ბრძანებით შექმნილ - „ქონებრივი უფლებების კოლექტიურ საფუძველზე მმართველი ორგანიზაციის აკრედიტაციის კომისიას“ (შემდგომში - „კომისია“).

კომისიამ 2024 წლის 17 ოქტომბრის „ჰონორარის ოდენობის, მისი გამოანგარიშებისა და გადახდის წესის განსაზღვრის შესახებ“ გადაწყვეტილებით (შემდგომში - „გადაწყვეტილება“) დაადგინა მოწყობილობებისა და მატერიალური მატარებლების ჩამონათვალი (საქონელი) და სატარიფო განაკვეთი, რომელიც ძალაში შევიდა 2024 წლის 24 ოქტომბერს. ასოციაციამ ჰონორარის ფაქტობრივი შეგროვება დაიწყო კომისიის მიერ მიღებული გადაწყვეტილების გამოქვეყნების შემდგომ. კერძოდ, 2024 წლის ნოემბრიდან. საგულისხმოა, რომ ზემოხსენებული ვალდებულება ყველა იმპორტიორმა დაუყოვნებლივ არ შეასრულა, რის შედეგადაც ასოციაციამ ვალდებულების შესრულების უზრუნველყოფის მიზნით განახორციელა დამატებითი ადმინისტრაციული ღონისძიებები ჰონორარის შესაგროვებლად.

ზემოხსენებულის გათვალისწინებით, წინამდებარე ანგარიშში მოცემულია გადაწყვეტილების ფარგლებში ადმინისტრირებული მონაცემები.

საანგარიშო პერიოდში ასოციაციამ ინვოისი გასცა 156 სუბიექტზე (იმპორტიორი), საიდანაც ამავე პერიოდში ჰონორარის გადახდა განხორციელდა 46 სუბიექტის მიერ, ხოლო დანარჩენმა სუბიექტებმა ჰონორარის გადახდის ვალდებულების შესრულება დაიწყეს 2025 წელს.

უფლებათა კატეგორიების სტრუქტურა

კატეგორია	ქვეკატეგორიები
საჯარო გადაცემა	ტელემაუწყებლები; რადიომაუწყებლები; ტრანზიტული კავშირის ოპერატორები
საჯარო შესრულება	მოსარგებლეები (ცოცხალი შესრულება/ფონური მუსიკა); სხვადასხვა წარმოდგენები/ღონისძიებები; აუდიოვიზუალური ნაწარმოებები
კერძო კოპირება	იმპორტიორები/მწარმოებლები

2024 წელს, ასოციაციას ლიცენზიის გაცემის შესახებ მოთხოვნაზე არცერთი მოსარგებლისთვის არ უთქვამს უარი. შესაბამისად, ნაწარმოებების გამოყენების უფლების მოპოვების შესახებ მიღებული ყველა მოთხოვნა დაკმაყოფილდა.

3. ქონებრივი უფლებების კოლექტიურ საფუძველზე მმართველი ორგანიზაციის სამართლებრივი სტრუქტურისა და მმართველობითი სტრუქტურის აღწერა

ასოციაციის მმართველობითი სტრუქტურა

ასოციაცია თავის საქმიანობას ახორციელებს მმართველი ორგანოების, ხელმძღვანელობასა და წარმომადგენლობაზე უფლებამოსილი პირების მეშვეობით.

ასოციაციის მართვის ორგანოები:

კანონის და წესდების თანახმად ასოციაციის მართვის ორგანოებია:

- ასოციაციის წევრთა საერთო კრება;
- ასოციაციის გამგეობა;
- ასოციაციის უფლებამფლობელთა საბჭო;

ასოციაციის მიერ კოლექტიურ საფუძველზე ქონებრივი უფლებების მართვის საქმიანობის განხორციელების შიდა კონტროლს და ზედამხედველობას, ასევე ასოციაციის საქმიანობის პროცესში წარმოშობილი სადავო საკითხების გადაწყვეტას ახორციელებს სამეთვალყურეო საბჭო.

ასოციაციის წევრთა საერთო კრება

საერთო კრება წარმოადგენს ასოციაციის უმაღლეს მმართველ ორგანოს, რომლის უფლებამოსილების ფარგლებს არეგულირებს კანონის 66¹³ მუხლი. აღნიშნულ სამართლებრივ დებულებასთან თანხვედრაში, ასოციაციის წესდების მე-7 მუხლი დეტალურად განსაზღვრავს საერთო კრების მოწვევის, ჩატარების, ორგანიზებისა და გადაწყვეტილების მიღების პროცედურულ წესებს, ასევე მასთან დაკავშირებულ სხვა საკითხებს.

ასოციაციაში გაწევრიანებულია ხელოვნების სხვადასხვა სფეროს წარმომადგენლები. 2024 წლის 31 დეკემბრის მონაცემებით ასოციაციაში გაწევრიანებულია 1482 წევრი.

2024 წლის 30 დეკემბერს ჩატარდა საერთო კრების მორიგი სხდომა, რომლის ფარგლებში მიღებულ იქნა გადაწყვეტილებები ასოციაციის წესდების ახალი რედაქციის დამტკიცების, გამგეობის ერთ-ერთი წევრის ჩანაცვლების, „ჰონორარის განაწილების და გადახდის წესის“ და „შეგროვებული ჰონორარებიდან ადმინისტრაციული ხარჯის გამოთვლისა და გამოქვითვის წესის“ დამტკიცების თაობაზე.

საერთო კრების აღნიშნულ სხდომაზე წარდგენილ იქნა ასოციაციის სამეთვალყურეო საბჭოს ყოველწლიური ანგარიში.

ასოციაციის გამგეობა

ასოციაციის გამგეობა არის ასოციაციის მუდმივმოქმედი მმართველი ორგანო, რომელიც ახორციელებს თავის საქმიანობას საერთო კრებებს შორის პერიოდში.

გამგეობის უფლებამოსილება, მის საქმიანობასთან დაკავშირებული პროცესები, მათ შორის სხდომების მოწვევა, გამგეობის წევრების არჩევის წესი, მათ კომპეტენციასთან დაკავშირებული საკითხები და მოქმედების რეგულაციები დეტალურად განსაზღვრულია ასოციაციის წესდების მე-8 მუხლში.

2023 წლის 12 ნოემბერს ასოციაციის საერთო კრების მიერ წესდების შესაბამისად ასოციაციის გამგეობის შემადგენლობა და გამგეობის თავმჯდომარე არჩეულ იქნა წესდებით განსაზღვრული ვადით. ასოციაციის გამგეობა შედგება 9 წევრისგან. იგი დაკომპლექტებულია, როგორც ასოციაციის წევრთა შორის ხელოვნების სხვადასხვა სფეროს წარმომადგენლებისგან (მათ შორის: ავტორები, შემსრულებლები, მომღერლები, მხატვრები და სხვ.), ასევე წესდებით განსაზღვრული წესით მოწვეული პირებისგან.

ასოციაციის გამგეობის წევრთა შემადგენლობა 2024 წლის 31 დეკემბრის მდგომარეობით იყო შემდეგი:

- თავმჯდომარე/წევრი: თამარ გვარიშვილი (მოწვეული პირი);
- წევრი: ნინო სეჟანია (მოწვეული პირი);
- წევრი: თამაზ ჩიქვანია (ავტორი);
- წევრი: ლაშა ნიქაბაძე (შემსრულებელი);
- წევრი: ალექსანდრე გვარიშვილი (მოწვეული პირი);
- წევრი: თამარ ზოიძე (ავტორი-მხატვარი);
- წევრი: გიორგი ნიკოლაიშვილი (მოწვეული პირი);
- წევრი: რუსუდან მორჩილაძე (ავტორ-შემსრულებელი);
- წევრი: სტეფან შულცი (მოწვეული პირი);

2024 წელს ასოციაციის გამგეობის სხდომები მოწვეული იყო საჭიროებისამებრ, ასოციაციის საქმიანობის უზრუნველყოფის მიზნით. სხდომებზე მიღებულ იქნა გადაწყვეტილებები შემდეგი საკითხების შესახებ:

- ასოციაციის ახალ წევრთა მიღება;
- გამგეობის წევრის ჩანაცვლება და ახალი წევრის თაობაზე საერთო კრებისთვის კანდიდატის წარდგენა;
- სხვა საკითხები, რომლებიც შედის გამგეობის კომპეტენციაში, ასოციაციის წესდების შესაბამისად.

გამგეობის სხდომები ასახულია შესაბამის ოქმებში, რაც უზრუნველყოფს მიღებული გადაწყვეტილებების სამართლებრივ ძალას.

ასოციაციის უფლებამფლობელთა საბჭო

ასოციაციის უფლებამფლობელთა საბჭო წარმოადგენს ასოციაციის წევრ უფლებამფლობელთა ინტერესებს და მონაწილეობს ასოციაციის საქმიანობის მართვის პროცესში.

საბჭოს უფლებამოსილების, წევრთა არჩევის, სხდომების მოწვევის, საქმიანობის წესისა და კომპეტენციის საკითხებს დეტალურად არეგულირებს ასოციაციის წესდების მე-9 მუხლი.

უფლებამფლობელთა საბჭოს წევრები არჩეულია ასოციაციის საერთო კრების მიერ წესდებით განსაზღვრული ვადით. საბჭო დაკომპლექტებულია სხვადასხვა კატეგორიის უფლებამფლობელებით, მათ შორის კომპოზიტორებით, შემსრულებლებით, დრამატურგებითა და სფეროს სხვა წარმომადგენლებით.

უფლებამფლობელთა საბჭოს წევრები 2024 წლის 31 დეკემბრის მდგომარეობით:

- წევრი: ჯემალ სეფიაშვილი (ავტორ-შემსრულებელი);
- წევრი: ზურაბ ხაჩიძე (ავტორ-შემსრულებელი);
- წევრი: მარინე მალაზონია (ავტორი);
- წევრი: რომან რცხილაძე (ავტორ-შემსრულებელი);
- წევრი: გიორგი მაჭარაშვილი (ავტორი; ფონოგრამის დამამზადებელი);
- წევრი: ბორის შხიანი (ავტორი; ფონოგრამის დამამზადებელი);
- წევრი: გიორგი კუხიანიძე (ავტორი; ფონოგრამის დამამზადებელი);
- წევრი: თამარ გვარიშვილი (ასოციაციის თავმჯდომარე);
- წევრი: ქეთევან სულაქველიძე (ავტორი- პოეტი);
- წევრი: მანანა თუმანიშვილი (ავტორი - მხატვარი);
- წევრი: თეიმურაზ რცხილაძე (ავტორ-შემსრულებელი);
- წევრი: ირაკლი გეწაძე (ავტორ-შემსრულებელი);
- წევრი: დათო ევგენიძე (ავტორი);
- წევრი: კახა ცაბაძე (ავტორ-შემსრულებელი);
- წევრი: რუსუდან მორჩილაძე (ავტორ-შემსრულებელი).

2024 წელს ასოციაციაში უფლებამფლობელთა საბჭოს სხდომების მოწვევა ხორციელდებოდა საჭიროებისამებრ. გადაწყვეტილებები მიღებულია სატარიფო ცხრილის დადგენის, ჰონორარის ოდენობების განსაზღვრის, მათში ცვლილებების შეტანის, ხელშეკრულებების ტიპების დამტკიცების და სხვა საკითხების თაობაზე, საბჭოს უფლებამოსილებების შესაბამისად. ჩატარებული სხდომები ასახულია შესაბამის ოქმებში.

სამეთვალყურეო საბჭო

სამეთვალყურეო საბჭო წარმოადგენს ასოციაციის შიდა ზედამხედველ ორგანოს, რომლის მთავარი ფუნქციაა ასოციაციის საქმიანობის კანონიერებისა და გამჭვირვალობის უზრუნველყოფა, აგრეთვე გამგეობისა და სხვა მმართველი ორგანოების მოქმედების კონტროლი.

სამეთვალყურეო საბჭოს უფლებამოსილება, წევრობის წესი, საქმიანობის ფორმატი და გადაწყვეტილების მიღების პროცედურები რეგულირდება კანონის 66¹⁴ პუნქტის და ასოციაციის წესდების მე-11 მუხლის თანახმად.

საბჭოს შემადგენლობა შეარჩია ასოციაციის საერთო კრებამ 2023 წლის 20 ივლისს, წესდებით განსაზღვრული ვადით. 2023 წლის 12 ნოემბერს საერთო კრების გადაწყვეტილებით განხორციელდა სამეთვალყურეო საბჭოს წევრის ცვლილება. სამეთვალყურეო საბჭო შედგება ხუთი წევრისგან, რომლებიც წარმოდგენილნი არიან როგორც ხელოვნების სხვადასხვა სფეროს (ავტორი, შემსრულებელი, მომღერალი, მხატვარი და სხვ.) წარმომადგენლებისგან, ისე შესაბამისი პროფესიული კვალიფიკაციის მქონე პირებისგან.

სამეთვალყურეო საბჭო ანგარიშვალდებულია ასოციაციის საერთო კრების წინაშე და ვალდებულია წარადგინოს ყოველწლიური ანგარიში. 2024 წლის ანგარიშის თანახმად, აღნიშნულ პერიოდში სამეთვალყურეო საბჭოს არ მიუღია არცერთი მიმართვა დავების განხილვის თაობაზე, რომელიც ეხებოდა უფლებების მართვის ხელშეკრულების შეწყვეტას, უფლებების გამოთხოვას, წევრობაზე უარის თქმას ან ჰონორარის განაწილება-გადახდასთან დაკავშირებულ საკითხებს.

სამეთვალყურეო საბჭოს წევრები 2024 წლის 31 დეკემბრის მდგომარეობით:

- ირმა სოხაძე (ავტორ-შემსრულებელი);
- მიხეილ რამიშვილი (ავტორ-შემსრულებელი);
- მარინე ჯორჯაძე (ავტორი);
- ოთარ ლითანიშვილი (რეჟისორი);
- ლაშა მდივანი (მოწვეული პირი).

ხელმძღვანელობასა და წარმომადგენლობაზე უფლებამოსილი პირები

ხელმძღვანელობასა და წარმომადგენლობაზე უფლებამოსილი პირების თაობაზე საკითხი რეგულირდება კანონის 66¹⁵ მუხლით და წესების მეათე მუხლით. აღნიშნული პირები პასუხისმგებელნი არიან ასოციაციის საქმიანობის ხელმძღვანელობასა და მისი სახელით მოქმედებაზე, როგორც შიდა, ისე საგარეო ურთიერთობებში.

ასოციაციის ხელმძღვანელობასა და წარმომადგენლობაზე უფლებამოსილი პირები არიან:

- ასოციაციის თავმჯდომარე - თამარ გვარიშვილი;
- ასოციაციის გენერალური დირექტორი - გიორგი ნიკოლაიშვილი;
- ასოციაციის საერთაშორისო ურთიერთობების დირექტორი - სტეფან შულცი.

ხსენებული პირები თავიანთ უფლებამოსილებებს ახორციელებენ მოქმედი კანონმდებლობის, ასოციაციის წესდებისა და შიდა დოკუმენტაციის შესაბამისად. ისინი ვალდებული არიან იმოქმედონ კეთილსინდისიერად, გამჭვირვალედ და უზრუნველყონ ეფექტიანი შიდა მმართველობა და კონტროლი.

ვინაიდან ასოციაციისთვის პირველი კალენდარული წელია აკრედიტაციის მიღების შემდეგ, 2024 წლის განმავლობაში განსაკუთრებული მნიშვნელობა ჰქონდა, როგორც შიდა ადმინისტრაციული მოწყობის გამყარებას, ისე ლიცენზირების პროცესის ორგანიზებას.

გენერალური დირექტორი

გენერალური დირექტორი წარმოადგენს ასოციაციის აღმასრულებელ ხელმძღვანელს. იგი ირჩევა საერთო კრების მიერ და ექვემდებარება გამგეობის კონტროლსა და ზედამხედველობას. გიორგი ნიკოლაიშვილი გენერალურ დირექტორად აირჩია საერთო კრებამ 2023 წლის 12 ნოემბერს, წესდებით განსაზღვრული ვადით. გენერალური დირექტორის საქმიანობა მოიცავს როგორც ორგანიზაციის ყოველდღიური საქმიანობის მართვას, ისე სტრატეგიული ამოცანების შესრულების უზრუნველყოფას, მათ შორის:

- მოსარგებლებთან მოლაპარაკებების წარმოება;
- ასოციაციის ქონებრივი და ფინანსური მართვა;
- შრომითი და ადმინისტრაციული პოლიტიკის განხორციელება;
- ასოციაციის სახელით ხელშეკრულებების დადება და წარმომადგენლობა, როგორც ადგილობრივ, ისე საერთაშორისო დონეზე.

ასოციაციის თავმჯდომარე

თამარ გვარიშვილი ასოციაციის თავმჯდომარედ (ამავდროულად გამგეობის თავმჯდომარედ) აირჩია საერთო კრებამ 2023 წლის 12 ნოემბერს წესდებით განსაზღვრული ვადით. თავმჯდომარე წარმოადგენს ასოციაციას მინდობილობის გარეშე, ხელმძღვანელობს გამგეობის საქმიანობას, იწვევს სხდომებს, აწერს ხელს ასოციაციის ოფიციალურ დოკუმენტებს და უზრუნველყოფს გამგეობის გადაწყვეტილებების აღსრულებას.

გენერალურმა დირექტორმა და თავმჯდომარემ ერთობლივად უზრუნველყვეს:

- ორგანიზაციული სტრუქტურის გამართვა;
- ურთიერთობების ჩამოყალიბება და ხელშეკრულებების დადება ისეთ სუბიექტებთან, როგორებიც არიან: ტელე-რადიო მაუწყებლები, თეატრები, სახელმწიფო და თვითმმართველობის ორგანოები და სხვა;
- ასოციაციის საერთო კრებისთვის ანგარიშგების წარდგენა 2024 წლის განმავლობაში განხორციელებული საქმიანობის შესახებ;
- მოლაპარაკებების წარმოება რადიო-მაუწყებლების სექტორთან, საქპატენტის უშუალო ჩართულობით;
- 2024 წლის 17 ოქტომბერს საქპატენტის თავმჯდომარის ბრძანებით შექმნილი - ქონებრივი უფლებების კოლექტიურ საფუძველზე მმართველი ორგანიზაციის აკრედიტაციის კომისიის მიერ მიღებული, „ჰონორარის ოდენობის, მისი გამოანგარიშებისა და გადახდის წესის განსაზღვრის შესახებ“ გადაწყვეტილების აღსრულების მიზნით ყველა ქმედების განხორციელების ორგანიზება.

საერთაშორისო ურთიერთობების დირექტორი

სტეფან შულცი საერთაშორისო ურთიერთობების დირექტორად აირჩია საერთო კრებამ 2023 წლის 12 ნოემბერს. საერთაშორისო ურთიერთობების დირექტორი ხელმძღვანელობს ასოციაციის საგარეო ურთიერთობებსა და საერთაშორისო თანამშრომლობის პოლიტიკას. 2024 წლის განმავლობაში საერთაშორისო ურთიერთობების დირექტორმა უზრუნველყო კავშირების დამყარება და განმტკიცება საერთაშორისო ქოლგა ორგანიზაციებთან, ანალოგიურ უცხოურ ორგანიზაციებთან და აღნიშნული პროცესი ისევ გრძელდება. მონაწილეობდა მოლაპარაკებებში, მათ შორის უცხოელ პარტნიორებთან.

4. ინფორმაცია ნებისმიერი იურიდიული პირის შესახებ, რომელსაც პირდაპირ ან ირიბად ფლობს ან აკონტროლებს, მთლიანად ან ნაწილობრივ, ქონებრივი უფლებების კოლექტიურ საფუძველზე მმართველი ორგანიზაცია

2024 წლის განმავლობაში ასოციაცია არც პირდაპირ და არც ირიბად, სრულად და/ან ნაწილობრივ არ ფლობდა და/ან არ აკონტროლებდა სხვა იურიდიულ პირ(ებ)ს.

5. ინფორმაცია ორგანიზაციის თავმჯდომარის, გამგეობის, ავტორთა და შემსრულებელთა საბჭოს და სხვა კომისიებისა და საბჭოების წევრებისა და ხელმძღვანელი პირებისთვის გადახდილი ანაზღაურების მთლიანი ოდენობის და მათთვის მინიჭებული სხვა სარგებლის შესახებ

2024 წლის განმავლობაში ასოციაციამ გასცა გამგეობის, ასოციაციის/გამგეობის თავმჯდომარის, უფლებამფლობელთა საბჭოს წევრების, აგრეთვე სხვა კომისიებისა და საბჭოების წევრებისა და ხელმძღვანელი პირებისთვის სხვადასხვა სახის ანაზღაურება.

ქვემოთ მოცემულია შესაბამისი მონაცემები ანაზღაურებისა და სხვა სარგებლის შესახებ:

ასოციაციის ხელმძღვანელობასა და წარმომადგენლობაზე უფლებამოსილი პირების ხელფასის სახით გადახდილი ჯამური თანხა შეადგენდა: 136,618 ლარს;

ასოციაციის საბჭოების/კომისიების წევრებისა და ხელმძღვანელი პირებისთვის სარგებლის სახით გადახდილი თანხა შეადგენდა: 17,572 ლარს;

ასოციაციის გამგეობის, უფლებამფლობელთა საბჭოს, ასოციაციის სხვა კომისიებისა და საბჭოების წევრებისთვის, როგორც საავტორო და მომიჯნავე უფლებების მფლობელებისთვის გადახდილი ჰონორარის სრული ოდენობა შეადგენდა: 937,178 ლარს.

* აღნიშნული თანხები მოიცავს საქართველოს კანონმდებლობით გათვალისწინებულ ყველა სახელმწიფო გადასახადს.

6. ფინანსური ინფორმაცია შეგროვებული ჰონორარების შესახებ

საანგარიშო პერიოდში შეგროვებული ჰონორარები ჯამურად შეადგენდა: 10 761 969 ლარს. უფლებათა კატეგორიების და უფლებათა გამოყენების ტიპისა და მოსარგებლეთა კატეგორიების მიხედვით, შეგროვებული ჰონორარი წარმოდგენილია შესაბამისი ცხრილების (იხ. 6.1 და 6.2) სახით.


რაც შეეხება ინვესტიციების შედეგად მიღებულ შემოსავლებს, აღნიშნული ტიპის შემოსავლები საანგარიშო წლის პერიოდში არ დაფიქსირებულა.

შეგროვებული ჰონორარები ქვემოთ წარმოდგენილია ორ ჭრილში:

- მართვის ქვეშ მყოფი უფლებების კატეგორიების მიხედვით;
და
- გამოყენების ტიპის და მოსარგებლეთა კატეგორიების მიხედვით.



შეგროვებული ჰონორარები უფლებათა კატეგორიების მიხედვით

უფლების კატეგორია	შეგროვებული ჰონორარი (ლარი)
საავტორო უფლებები	5 617 603
მომიჯნავე უფლებები	3 372 907
კერძო კოპირება (კანონის 21-ე მუხლი)	1 771 459
სულ	10 761 969



შეგროვებული ჰონორარები გამოყენების ტიპისა და მოსარგებლეთა კატეგორიების მიხედვით

გამოყენების ტიპი	მოსარგებლეთა კატეგორია	თანხა (ლარი)
საჯარო გადაცემა	ტელემაუწყებლები	642 851
საჯარო გადაცემა	რადიომაუწყებლები	32 105
საჯარო გადაცემა	ტრანზიტული კავშირის ოპერატორები	952 969
საჯარო შესრულება	მოსარგებლები: ცოცხალი შესრულება/ფონური მუსიკა	3 546 081
საჯარო შესრულება	სხვადასხვა წარმოდგენები/ლონისძიებები	361 380
საჯარო შესრულება	აუდიოვიზუალური ნაწარმოებები	10 337
კერძო კოპირება	იმპორტიორები	1 771 459
სხვა ანალოგიური ორგანიზაციები	უცხოური/ადგილობრივი კოლექტიური მართვის ორგანიზაციები	3 444 787
სულ		10 761 969



7. ფინანსური ინფორმაცია უფლებების მართვის საფასურისა და ქონებრივი უფლებების კოლექტიურ საფუძველზე მმართველი ორგანიზაციის მიერ უფლების მფლობელებისთვის მიწოდებული სხვა მომსახურების შესახებ

ასოციაციამ 2024 წლის განმავლობაში საავტორო და მომიჯნავე უფლებების მართვასთან დაკავშირებული საქმიანობის შედეგად მიღებული ჰონორარ(ებ)იდან უზრუნველყო უფლებების მართვის საფასურის და კანონით გათვალისწინებული გადასახადების დაქვითვა და უფლებამფლობელთათვის განაწილება. აღნიშნული თანხების ჯამური ოდენობები შემდეგია:

- მიღებული ჰონორარი: 10 761 969 ლარი;
- უფლებების მართვის საფასური: 1 210 586 ლარი;


უფლებების მართვის საფასურის ოდენობა არ აღემატება კანონით დადგენილ ზღვარს — ასოციაციის მიერ შეგროვებული ჰონორარის არაუმეტეს 20% პროცენტს. უფლებების მართვის საფასური მოიცავს უფლებების მართვის, ჰონორარის შეგროვების და განაწილების ხარჯებს:

- ადმინისტრაციული ხარჯები; (ხელფასები; ჰონორარები; საოფისე; საკურიერო; ფინანსური მომსახურება და სხვა);
- ტექნიკური და საოპერაციო ხარჯები: (ინფორმაციული სისტემების შენახვა და განახლება, დარიცხვების პროგრამები, ბაზები; რეპერტუარის იდენტიფიკაციისა და მონიტორინგის ხარჯები; აუდიო/ვიდეო მონიტორინგი და გამოყენების კონტროლი; უსაფრთხოების და არქივირების ხარჯები და სხვა);
- აუდიტის და ზედამხედველობის ხარჯები: (შიდა/გარე აუდიტის მომსახურება);
- საერთაშორისო წარმომადგენლობა და კომუნიკაცია: (საერთაშორისო კოლექტიური მართვის ორგანიზაციებთან თანამშრომლობა; ჰონორარის გადარიცხვის ხარჯები და სხვა).

შემოსავლის ძირითადი წყაროები და მართვის შესაბამისი ადმინისტრაციული ხარჯი:

შემოსავლის წყარო	ჯამი (ლარი)	უფლებების მართვის საფასური, შეგროვებული ჰონორარის არაუმეტეს 20% (ლარი)
სალიცენზიო ხელშეკრულებებიდან მიღებული შემოსავალი	5 545 723	528 466
კერძო კოპირებიდან მიღებული შემოსავალი	1 771 459	61 266
სხვა ანალოგიური ტიპის ორგანიზაციებიდან მიღებული შემოსავალი	3 144 787	560 854
GNRA-დან (საქართველოს მომიჯნავე უფლებათა ასოციაცია) მიღებული შემოსავალი	300 000	60 000
სულ	10 761 969	1 210 586

შემოსავლის ძირითადი წყაროები და მართვის შესაბამისი ადმინისტრაციული ხარჯი



*2024 წელს ასოციაციამ უფლებების მართვის საფასური, მხოლოდ განაწილებული ჰონორარებიდან დააკავა, ხოლო კანონით გათვალისწინებული ობიექტური მიზეზების გამო, გაუცემელი ჰონორარებიდან (იხ. პუნქტი 8.4.) ასოციაციას არ დაუკავებია უფლებების მართვის საფასური.

სამართავად გაწეული ყველა ფინანსური ხარჯი

ასოციაცია ქონებრივი უფლებების კოლექტიურ საფუძველზე მართვის გარდა სხვა საქმიანობას არ ახორციელებს. საქმიანობასთან დაკავშირებით გაწეული ხარჯები დეტალურად წარდგენილია ამავე საანგარიშგებო პერიოდის ფინანსურ ანგარიშგებაში (დანართი 1). რაც შეეხება სამართავად გაწეულ ფინანსურ ხარჯებს, ფინანსურ ანგარიშგებაში წარმოდგენილია საიჯარო ვალდებულების პროცენტის (5 951) და საპროცენტო ხარჯის (148 726 ლარი) სახით. ეს უკანასკნელი თავისი შინაარსით არ წარმოადგენს ასოციაციის ფინანსურ შედეგზე გავლენის მომხდენ ხარჯს, რადგან იგი სარგებლის დარიცხვის გარეშე მიღებული სესხის დისკონტირების შედეგად აღრიცხული სესხის ამორტიზაციის შედეგია და ფინანსური შედეგის ანგარიშგებაში მისი ტოლი თანხა შემოსულობის სახით აღიარდება ხოლმე. აღნიშნულის გათვალისწინებით, 2024 წელს სამართავად გაწეული ფინანსური ხარჯი რეალურად 5 951 ლარის ტოლია.

ფინანსური, მათ შორის, სოციალურ, კულტურულ და საგანმანათლებლო მომსახურებებზე გაწეული ხარჯები

2024 წლის მონაცემებით ასოციაციას არ განუხორციელებია სოციალურ, კულტურულ ან საგანმანათლებლო მომსახურებებთან დაკავშირებული ფინანსური ხარჯი. შესაბამისად, აღნიშნული მიმართულებით არ განხორციელებულა ფინანსური ოპერაცია.

8. ინფორმაცია შეგროვებული ჰონორარების შესახებ

უფლების მფლობელებისთვის შეგროვებული ჯამური თანხა, უფლების კატეგორიისა და გამოყენების ტიპის მიხედვით

საანგარიშო პერიოდის განმავლობაში, ასოციაციის მიერ უფლებამფლობელთა სასარგებლოდ შეგროვებული ჰონორარების ოდენობა, უფლებათა კატეგორიის და ტიპის მიხედვით, ჯამურად შეადგენს 10 761 969 ლარს.

ქვემოთ წარმოდგენილია ინფორმაცია შეგროვებული ჰონორარების შესახებ უფლების კატეგორიისა და გამოყენების ტიპის ჭრილში.

გამოყენების ტიპი	საავტორო უფლებები	მომიჯნავე უფლებები	კერძო კოპირება	ჯამი
საჯარო გადაცემა	1 085 175	542 750	_____	1 627 925
საჯარო შესრულება	2 788 740	1 129 059	_____	3 917 799
კერძო კოპირება	_____	_____	1 771 459	1 771 459
სხვა ანალოგიური ორგანიზაციებიდან მიღებული	1 743 688	1 701 098	_____	3 444 786
სულ	5 617 603	3 372 907	1 771 459	10 761 969

უფლების მფლობელებისთვის გადახდილი ჯამური ჰონორარები, უფლების კატეგორიისა და გამოყენების ტიპის მიხედვით


2024 წლის საანგარიშო პერიოდის განმავლობაში, ასოციაციის მიერ უფლებამფლობელთა სასარგებლოდ გადახდილი ჰონორარების ჯამური ოდენობა შეადგენს: 6 072 097 ლარს, რომელიც უფლებათა კატეგორიის და ტიპის მიხედვით, გადანაწილდა შემდეგი პროპორციით:

უფლებათა კატეგორიების მიხედვით განაწილებული ჰონორარები:

კატეგორია	თანხა (ლ)
საავტორო უფლებები	3 930 442
მომიჯნავე უფლებები	2 141 655
სულ	6 072 097

საავტორო
უფლებები

მომიჯნავე
უფლებები



სულ 6 072 097 ლ


გამოყენების ტიპის მიხედვით განაწილებული ჰონორარები, საქართველოს ტერიტორიაზე:

ტიპი	თანხა (ლ)
საჯარო შესრულება	2 496 895
საჯარო გადაცემა	1 033 012
კერძო კოპირება	352 325
სულ	3 882 232

საჯარო შესრულება

საჯარო გადაცემა


კერძო კოპირება



სულ 3 882 232 ლ

8.3 გამოყენების ტიპის მიხედვით განაწილებული ჰონორარები, სხვა ანალოგიური ორგანიზაციებიდან:

ტიპი	თანხა (ლ)
საჯარო შესრულება/გადაცემა	1 273 757
კერძო კოპირება	916 108
სულ	2 189 865



სულ 2 189 865 ლ

გადახდების შესრულების სიხშირე, უფლების კატეგორიისა და გამოყენების ტიპის მიხედვით

გამოყენების ტიპი	უფლების კატეგორია	განაწილების სიხშირე	გადახდის სიხშირე
საჯარო შესრულება	საავტორო/მომიჯნავე	ყოველთვიურად	ყოველთვიურად, საანგარიშო თვის ბოლო რიცხვამდე
საჯარო გადაცემა	საავტორო/მომიჯნავე	ყოველთვიურად	ყოველთვიურად, საანგარიშო თვის ბოლო რიცხვამდე
კერძო კოპირება	-----	კვარტალურად	კვარტალურად
თეატრები	საავტორო	კვარტალურად	კვარტალურად


2024 წლის საანგარიშო პერიოდში ასოციაციას უცხო ქვეყნის კოლექტიური მართვის ორგანიზაციებისთვის ჰონორარი არ გაუნაწილებია, ვინაიდან აღნიშნულ პერიოდი იყო მათთან საქმიანობის/ურთიერთობების ჩამოყალიბების პერიოდი.

ინფორმაცია მთლიანი შეგროვებული თანხის შესახებ, რომელიც ჯერ არ განაწილებულა უფლების მფლობელებზე, უფლების კატეგორიის და გამოყენების ტიპის მიხედვით იმ ფინანსური წლის მითითებით, რომელშიც ეს თანხები შეგროვდა

2024 წლის საანგარიშო პერიოდის განმავლობაში, უფლების კატეგორიის და გამოყენების ტიპის მიხედვით ასოციაციის მიერ შეგროვებული იმ თანხის სრული ოდენობა, რომელიც მოცემული მდგომარეობით არ არის განაწილებული უფლებამფლობელებზე, შეადგენს: 3 479 285 ლარს.

მონაცემები ცხრილში დაყოფილია უფლების კატეგორიის და გამოყენების ტიპის მიხედვით.

გამოყენების ტიპი	საავტორო უფლებები (ლარი)	მომიჯნავე უფლებები (ლარი)	ჯამი (ლარი)
საჯარო შესრულება/გადაცემა	2 254 758	1 224 527	3 479 285



2024 წლის ბოლოსათვის, უფლებამფლობელთა იდენტიფიცირების ან/და მიკვლევადობის შეუძლებლობის გამო, გასანაწილებელი ჰონორარის ოდენობა შეადგენს: 3 490 001 ლარს, რომლიდანაც ასოციაციას არ განუხორციელებია უფლებების მართვის საფასურის დაკავება. ასოციაცია, უფლების მართვის საფასურის დაკავებას ზემოაღნიშნული თანხიდან უზრუნველყოფს, აღნიშნული თანხის კანონმდებლობით განსაზღვრული წესით განაწილებისას.

ინფორმაცია მთლიანი შეგროვებული თანხის შესახებ, რომელიც ჯერ არ განაწილებულა იდენტიფიცირებულ უფლების მფლობელებზე უფლების კატეგორიისა და გამოყენების ტიპის მიხედვით იმ ფინანსური წლის მითითებით, რომელშიც ეს თანხები შეგროვდა

2024 წლის საანგარიშო პერიოდის განმავლობაში, ასოციაციის მიერ სრულად იქნა განაწილებული და გადახდილი ჰონორარი, ყველა იდენტიფიცირებული უფლებამფლობელის სასარგებლოდ.

ქონებრივი უფლებების კოლექტიურ საფუძველზე მმართველი ორგანიზაციის მიერ ბოლო 2 წლის განმავლობაში განაწილებისა და გადახდების განუხორციელებლობის შემთხვევაში – მისი დაგვიანების მიზეზები

2024 წლის მონაცემების თანახმად, ასოციაციამ უზრუნველყო ჰონორარების განაწილება და გადახდა გონივრულ და კანონით დადგენილ ვადებში. შესაბამისად, საანგარიშო პერიოდში გადახდის დაგვიანების ფაქტი არ დაფიქსირებულა.

ინფორმაცია ჯამური გაუნაწილებელი თანხების შესახებ და ამ თანხების გამოყენების შემთხვევაში – ახსნა-განმარტება, თუ რა მიზნით იქნა გამოყენებული ეს თანხები

კანონის 66²-ე მუხლის მე-9 პუნქტის შესაბამისად, ჰონორარი, რომელიც ვერ განაწილდა იმ ფინანსური წლის დასრულებიდან 3 წლის განმავლობაში, რომელშიც იგი შეგროვდა, ენიჭება გაუნაწილებელი ჰონორარის სტატუსი. ნორმიდან გამომდინარე, ვინაიდან ასოციაცია უფლებამოსილებას ახორციელებს აკრედიტაციის მიღებიდან, შესაბამისად 2024 წლის მონაცემებით არ არსებობს/ვერ იარსებებს ჰონორარი, რომელსაც აქვს გაუნაწილებელი ჰონორარის სტატუსი.

ქონებრივი უფლებების კოლექტიურ საფუძველზე მმართველი ორგანიზაციის მიერ თანხების გადახდის დაგვიანების შემთხვევაში – სპეციალურ ანგარიშებზე არსებულ თანხებზე დარიცხული სარგებლის და ამ სარგებლის განაწილების შესახებ ინფორმაცია

ასოციაციას არ გააჩნია სადეპოზიტო ბარათები, ანაბრები ან სხვა ფინანსური ინსტრუმენტები, რომლებიც გამოიყენება მოგების მისაღებად. შესაბამისად, არ არსებობს არც დარიცხული სარგებელი და არც მისი განაწილების საკითხი.

9. ინფორმაცია სხვა ანალოგიურ ორგანიზაციებთან ურთიერთობის შესახებ

სხვა ანალოგიური ორგანიზაციებიდან მიღებული და მათთვის გადახდილი თანხები, უფლების კატეგორიის, გამოყენების ტიპისა და ორგანიზაციის მიხედვით

კოლექტიური მართვის ორგანიზაციების ჩამონათვალი უფლებების კატეგორიებისა და გადახდილი/მიღებული თანხების ოდენობების მიხედვით:

ორგანიზაცია	უფლების კატეგორია	აღწერა	თანხა (ლ)
Russian Authors' Society (RAO)	საავტორო უფლებები	ქართველი ავტორების ანაზღაურება მუსიკალური ნაწარმოებების საჯარო შესრულებისა და საჯარო გადაცემისთვის	1 081 924
Russian Union of Rightholders (RUR)	კერძო კოპირება	ქართველი უფლებამფლობელების ანაზღაურება ნაწარმოებებისა და ფონოგრამების პირადი რეპროდუცირებისთვის	1 323 528
Russian Organization for Intellectual Property (VOIS)	მომიჯნავე უფლებები	ანაზღაურება კომერციული მიზნებისთვის გამოქვეყნებული ფონოგრამების საჯარო შესრულებისა და გადაცემისთვის	739 334
Georgian Neighboring Rights Association (GNRA)	მომიჯნავე უფლებები	2023 წლის გადაუხდელი ანაზღაურება კომერციული მიზნებისთვის გამოქვეყნებული ფონოგრამებისთვის	300 000
სულ			3 444 786

სხვა ანალოგიური ორგანიზაციებისთვის შეგროვებული ჰონორარებიდან უფლების მართვის საფასური

2024 წლის მონაცემების თანახმად, ასოციაციის მიერ არ განხორციელებულა ტრანზაქცია სხვა ანალოგიური ორგანიზაციებისათვის, შესაბამისად არ არსებობს მონაცემები უფლების მართვის საფასურის, უფლებების კატეგორიის ან გამოყენების ტიპის შესახებ სხვა ანალოგიური ორგანიზაციებისთვის შეგროვებული ჰონორარებიდან.

ინფორმაცია სხვა ქონებრივი უფლებების კოლექტიურ საფუძველზე მმართველი ორგანიზაციის მიერ შეგროვებული და გადმორიცხული ჰონორარებიდან უფლებების მართვის საფასურის შესახებ

საქართველოს ტერიტორიაზე ასოციაცია ექსკლუზიურად ახორციელებს ქონებრივი უფლებების კოლექტიურ მართვას, ამასთან, საქართველოს ტერიტორიაზე სხვა ორგანიზაციებთან ერთად 2024 წლამდე მოქმედებდა საქართველოს მომიჯნავე უფლებათა ასოციაცია (შემდგომში - „GNRA“), რომელიც უზრუნველყოფდა შემსრულებელთა და ფონოგრამის დამამზადებელთა მომიჯნავე უფლებებისთვის ჰონორარის შეგროვებასა და განაწილებას.

2024 წელს „საქართველოს მომიჯნავე უფლებათა ასოციაციიდან“ (GNRA) ასოციაციაში (როგორც უფლებამონაცვლე) ჩაირიცხა 300,000 ლარი. მიღებული თანხიდან მართვის საფასურის ოდენობამ შეადგინა: 60 000 ლარი.

2024 წელს უცხო ქვეყნის ანალოგიური ორგანიზაციებიდან გადმორიცხული ჰონორარებიდან უფლებების მართვის საფასურის ჯამურმა ოდენობამ შეადგინა: 560,854 ლარი.

10. ინფორმაცია სოციალური, კულტურული და საგანმანათლებლო მომსახურებების მიზნებისთვის გამოქვითული თანხების გამოყენების შესახებ

2024 წლის ფინანსური წლის განმავლობაში, ასოციაციის მიერ მიღებული უფლების მართვის საფასურიდან არ განხორციელებულა თანხების გამოყოფა სოციალური, კულტურული ან საგანმანათლებლო ღონისძიებების დაფინანსების მიზნით.

გამჭვირვალობის წლიური ანგარიში გამოსაქვეყნებლად დამტკიცებულია და მენეჯმენტის სახელით ხელმოწერილია 2026 წლის 21 აგვისტოს.

გიორგი ნიკოლაიშვილი

გენერალური დირექტორი

ა(ა)იპ ქონებრივი უფლებების
კოლექტიურ საფუძველზე მმართველი
ორგანიზაცია - ინტელექტუალური
საკუთრების მფლობელთა ასოციაცია

ფინანსური ანგარიშგება 2024 წლის 31 დეკემბრით

დასრულებული წლისათვის

ინტელექტუალური საკუთრების მფლობელთა ასოციაცია - IPOA

სარჩევი

გვერდი

ხელმძღვანელობის პასუხისმგებლობის ანგარიში 2024 წლის 31 დეკემბრით დასრულებული წლისათვის წარმოდგენილი გამჭვირვალობის წლიური ანგარიშის მომზადებისა და დამტკიცების შესახებ..... 1

ფინანსური ანგარიშგება

ფინანსური მდგომარეობის ანგარიშგება 2
მოგება-ზარალის და სხვა სრული შემოსავლის ანგარიშგება 3
წმინდა აქტივებში ცვლილების ანგარიშგება 4
ფულადი ნაკადების ანგარიშგება..... 5

ფინანსური ანგარიშგების განმარტებითი შენიშვნები:

1. ინტელექტუალური საკუთრების მფლობელთა ასოციაცია და მისი საქმიანობა	6
2. ბუღალტრული აღრიცხვის მნიშვნელოვანი პოლიტიკების მიმოხილვა	7
3. მნიშვნელოვანი სააღრიცხვო პროგნოზები და მოსაზრებები აღრიცხვის პროცედურების გამოყენებაზე	14
4. შეცვლილი სტანდარტებისა და ინტერპრეტაციების ამოქმედება	15
5. სავაჭრო და სხვა მოთხოვნები.....	16
6. ფული და ფულის ეკვივალენტები.....	16
7. მიღებული სესხები	16
8. სავაჭრო და სხვა ვალდებულებები	17
9. მთლიანი შემოსავალი.....	17
10. სხვა საოპერაციო ხარჯები	17
11. პირობითი და ნაკისრი ვალდებულებები	18
12. ფინანსური რისკების მართვა.....	18
13. ოპერაციები დაკავშირებულ მხარეებთან და დაუფარავი ნაშთები.....	22
14. შემდგომი მოვლენები.....	23

ინტელექტუალური საკუთრების მფლობელთა ასოციაცია

ხელმძღვანელობის პასუხისმგებლობის ანგარიში 2024 წლის 31 დეკემბრით დასრულებული წლისათვის წარმოდგენილი სპეციალური დანიშნულების ფინანსური ანგარიშგების მომზადებასა და დამტკიცებაზე

ხელმძღვანელობა პასუხისმგებელია ფინანსური ანგარიშგების მომზადებაზე, რომელიც სამართლიანად ასახავს ინტელექტუალური საკუთრების მფლობელთა ასოციაციის (შემდგომში - „ასოციაცია“) ფინანსურ მდგომარეობას 2024 წლის 31 დეკემბრის მდგომარეობით, მის მიერ წარმოებული ოპერაციების შედეგებს, ფულადი სახსრების მოძრაობასა და წმინდა აქტივებში ცვლილებებს ამავე თარიღით დასრულებული წლისათვის, ფინანსური ანგარიშგების საერთაშორისო სტანდარტების (შემდგომში - „ფასს“) შესაბამისად.

ფინანსური ანგარიშგების მომზადებისას, ხელმძღვანელობა პასუხისმგებელია:

- მართებული ბუღალტრული პრინციპების არჩევასა და მათ თანმიმდევრულ გამოყენებაზე;
- ინფორმაციის წარდგენაზე, სააღრიცხვო პოლიტიკის ჩათვლით, რომელიც უზრუნველყოფს მართებულ, საიმედო, შესადარის და გასაგებ ინფორმაციას;
- დამატებითი ინფორმაციის წარდგენის უზრუნველყოფაზე, იმ შემთხვევაში, თუ ფინანსური ანგარიშგების საერთაშორისო სტანდარტების სპეციფიკური მოთხოვნები არ არის საკმარისი იმისათვის, რომ ფინანსური ანგარიშგების ინფორმაციის მომხმარებელმა გააანალიზოს კონკრეტული გარიგების, სხვა მოვლენებისა და პირობების გავლენა ასოციაციის ფინანსურ მდგომარეობასა და შედეგებზე;
- ასოციაციის მიერ „ფუნქციონირებადი საწარმოს“ დაშვების პრინციპის საფუძველზე ასოციაციის მუშაობის უნარის შეფასებაზე.

ხელმძღვანელობა აგრეთვე პასუხისმგებელია:

- ასოციაციაში ეფექტური და მყარი შიდა კონტროლის სისტემის შემუშავებაზე, დანერგვასა და შენარჩუნებაზე;
- ისეთი ბუღალტრული ჩანაწერების წარმოებაზე, რომელიც წარმოადგენს და ხსნის ასოციაციის გარიგებებს და ნებისმიერ დროს უზრუნველყოფს ასოციაციის ფინანსური მდგომარეობის საკმარისი სიზუსტით წარდგენას და „ფასს-ის“ მოთხოვნებთან ფინანსური ანგარიშგების შესაბამისობას;
- სავალდებულო ბუღალტრული ჩანაწერების წარმოებაზე საქართველოს კანონმდებლობისა და ფასს სტანდარტების შესაბამისად;
- ასოციაციის აქტივების უსაფრთხოების უზრუნველსაყოფად საჭირო ქმედებების განხორციელებაზე;
- თაღლითობისა და სხვა დარღვევების თავიდან აცილებასა და აღმოჩენაზე.

2024 წლის 31 დეკემბრით დასრულებული წლისათვის წარმოდგენილი ფინანსური ანგარიშგება ასოციაციის ხელმძღვანელობის მიერ გამოსაქვეყნებლად დამტკიცებულია და მენეჯმენტის სახელით ხელმოწერილია 2025 წლის 04 აგვისტოს.

გიორგი ნიკოლაიშვილი
გენერალური დირექტორი

2026 წლის 21 აგვისტო
საქართველო, თბილისი

ინტელექტუალური საკუთრების მფლობელთა ასოციაცია

ფინანსური მდგომარეობის ანგარიშგება
2024 წლის 31 დეკემბრის მდგომარეობით

	შენიშვნა	31.12.2024	31.12.2023	01.01.2023
აქტივები				
გრძელვადიანი აქტივები				
ძირითადი საშუალებები	5	24 526	32 077	49 557
აქტივების გამოყენების უფლება	6	18 446	87 525	149 308
სულ გრძელვადიანი აქტივები		42 971	119 602	198 865
მიმდინარე აქტივები				
სავაჭრო და სხვა მოთხოვნები	7	48 195	32 617	20 813
მოთხოვნები მოსარგებლეთა მიმართ		3 644 942	248 400	356 894
წინასწარ გადახდილი გადასახადები		228 086	(0)	9 264
მარაგები		377	322	-
ფული და ფულის ეკვივალენტები	8	3 499 486	114 503	38 591
		-	-	-
სულ მიმდინარე აქტივები		7 421 086	395 842	425 562
სულ აქტივები		7 464 058	515 444	624 427
წმინდა აქტივები				
დაგროვილი დეფიციტი		(1 666 027)	(1 936 614)	(1 673 755)
		-	-	-
სულ წმინდა აქტივები		(1 666 027)	(1 936 614)	(1 673 755)
გრძელვადიანი ვალდებულებები				
მიღებული სესხები	9	1 354 282	1 202 178	1 021 795
გრძელვადიანი ფინანსური ვალდებულებები	11	3 490 001	10 716	-
გადავადებული შემოსავალი სესხის დისკონტირებიდან		761 578	908 182	979 565
საიჯარო ვალდებულება		-	25 225	82 951
სულ გრძელვადიანი ვალდებულებები		5 605 861	2 146 301	2 084 311
მიმდინარე ვალდებულებები				
მიღებული ავანსები		709	1 236	-
სავაჭრო და სხვა ვალდებულებები	10	198 565	198 907	160 531
საგადასახადო ვალდებულებები		0	43 704	-
ფინანსური ვალდებულებები	11	3 294 929	-	-
სხვა მიმდინარე ვალდებულებები		30 019	61 910	53 341
		-	-	-
სულ მიმდინარე ვალდებულებები		3 524 222	305 758	213 872
სულ ვალდებულებები		9 130 083	2 452 058	2 298 182
სულ წმინდა აქტივები და ვალდებულებები		7 164 058	515 444	624 427

ინტელექტუალური საკუთრების მფლობელთა ასოციაცია

მოგება-ზარალის და სხვა სრული შემოსავლის ანგარიშგება
2024 წლის 31 დეკემბრით დასრულებული წლისათვის

	შენიშვნა	2024 წელი		2023 წელი
შემოსავალი		1 203 911		530 931
სხვა შემოსავლები		1 319		90 470
სულ მთლიანი შემოსავალი	12	1 205 230	-	621 401
გამოყენებული ნედლეული და მასალები		(26 920)		(20 151)
დასაქმებულთა გასამრჯელოების ხარჯი		(415 285)		(332 872)
საიჯარო ვალდებულების პროცენტი		(5 951)		(8 246)
ცვეთის ხარჯი		(77 898)		(90 600)
სხვა საოპერაციო ხარჯები	13	(194 918)		(198 284)
საპროცენტო ხარჯი		(148 726)		(130 309)
საკურსო სხვაობის ხარჯი, წმინდა		(213 671)		(234 107)
შემოსულობა დისკონტირებული სესხის გადავადებული შემოსავლიდან		148 726		130 309
დეფიციტი გადასახადამდე		270 587	-	(262 859)
მოგების გადასახადის ხარჯი				
წლიური დეფიციტი		270 587	-	(262 859)
წლიური სხვა სრული შემოსავალი				
სულ წლის სრული დეფიციტი		270 587	-	(262 859)

ინტელექტუალური საკუთრების მფლობელთა ასოციაცია

წმინდა აქტივებში ცვლილებების ანგარიშგება
2024 წლის 31 დეკემბრით დასრულებული წლისათვის

	დაგროვილი დეფიციტი	სულ
ნაშთი 1 იანვარი 2023	(1 673 755)	(1 673 755)
სულ წლის სრული დეფიციტი	(262 859)	(262 859)
ნაშთი 31 დეკემბერი 2023	(1 936 614)	(1 936 614)
სულ წლის სრული დეფიციტი	270 587	270 587
ნაშთი 31 დეკემბერი 2024	(1 666 027)	(1 666 027)

ფულადი ნაკადების ანგარიშგება
2024 წლის 31 დეკემბრით დასრულებული წლისათვის

	2024 წელი	2023 წელი
ფულადი ნაკადები საოპერაციო საქმიანობიდან		
შეგროვებული ფულადი სახსრები - შეგროვებული ჰონორარები	10 419 718	2 838 437
საოპერაციო საქმიანობიდან შემოსული თანხები	170	15 170
უფლების მფლობელებისთვის და მათი სახელით გადახდილი ფულადი სახსრები	(4 255 134)	(1 947 485)
მომწოდებელთათვის გადახდილი ფულადი სახსრები	(452 264)	(539 251)
დასაქმებულთათვის და მათი სახელით გადახდილი ფულადი სახსრები	(411 254)	(328 301)
გადახდილი პროცენტები	(5 951)	(8 246)
გადახდილი გადასახადები	(1 852 203)	
<i>წმინდა ფულადი სახსრები საოპერაციო საქმიანობიდან</i>	3 443 082	30 325
ფულადი ნაკადები საინვესტიციო საქმიანობიდან		
ძირითადი საშუალებების შეძენა	(3 953)	(355)
მიღებული პროცენტები		(14 431)
სხვა პირებზე ავანსებად და სესხებად გაცემული ფულადი სახსრები	489	
<i>საინვესტიციო საქმიანობისათვის გამოყენებული წმინდა ფულადი სახსრები</i>	(3 464)	(14 786)
ფულადი ნაკადები საფინანსო საქმიანობიდან		
სესხის აღებით შემოსული ფულადი სახსრები	5 500	109 000
საიჯარო ვალდებულებების შესამცირებლად გადახდილი ფულადი სახსრები	(60 134)	(48 627)
<i>საფინანსო საქმიანობისათვის გამოყენებული წმინდა ფულადი სახსრები</i>	(54 634)	60 373
ფულადი სახსრებისა და მათი ეკვივალენტების წმინდა ზრდა	3 384 984	75 911
ფულადი სახსრები და მათი ეკვივალენტები საანგარიშგებო პერიოდის დასაწყისისათვის	114 503	38 591
ფულადი სახსრები და მათი ეკვივალენტები საანგარიშგებო პერიოდის ბოლოსათვის	3 499 486	114 503

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები
2024 წლის 31 დეკემბრით დასრულებული წლისათვის

1. ქონებრივი უფლებების კოლექტიურ საფუძველზე მმართველი ორგანიზაცია - ინტელექტუალური საკუთრების მფლობელთა ასოციაცია და მისი საქმიანობა

ქონებრივი უფლებების კოლექტიურ საფუძველზე მმართველი ორგანიზაცია - ინტელექტუალური საკუთრების მფლობელთა ასოციაცია (შემდეგ - ასოციაცია) წარმოადგენს საქართველოში ავტორთა და მომხიჯნავე უფლებების მფლობელთა მიერ დაფუძნებულ ქონებრივი უფლებების კოლექტიურ საფუძველზე მმართველ ერთადერთ აკრედიტირებულ ორგანიზაციას. ასოციაცია დაფუძნებულია საქართველოში არასამეწარმეო (არაკომერციული) იურიდიული პირის სამართლებრივი ფორმით და რეგისტრირებულია მეწარმეთა და არასამეწარმეო (არაკომერციული) იურიდიულ პირთა რეესტრში (საიდენტიფიკაციო ნომერი 404574475).

ასოციაცია თავის უფლებამოსილებებს ახორციელებს საქართველოს კანონმდებლობისა და საერთაშორისო სამართლის საყოველთაოდ აღიარებული პრინციპებისა და ნორმების შესაბამისად.

ასოციაცია საქართველოს ტერიტორიაზე უცხოელი უფლებამფლობელების ქონებრივი უფლებებისა და ინტერესების დაცვას, სხვა ანალოგიურ ორგანიზაციებთან გაფორმებული ურთიერთწარმომადგენლობითი ხელშეკრულებების საფუძველზე ახორციელებს.

საკუთარი მიზნების მისაღწევად ასოციაცია უზრუნველყოფს ჰონორარის შეგროვებას, განაწილებასა და გადახდას ეფექტიანი მექანიზმებით (შესაბამისი პროგრამული უზრუნველყოფის ჩათვლით), რაც უზრუნველყოფს მის გამჭვირვალობას.

იურიდიული მისამართი და ადგილმდებარეობა. ასოციაციის იურიდიული მისამართია, ნათია ბაშალეიშვილის ქ. #21, თბილისი, 0108, საქართველო.

ასოციაციის საქმიანობის ძირითადი ადგილია საქართველო.

ანგარიშგების ვალუტა. თუ სხვაგვარად არ არის მითითებული, წინამდებარე ფინანსური ანგარიშგება მომზადებულია ეროვნულ ვალუტაში - ლარში.

დასაქმებულთა რაოდენობა. 2024 წლის 31 დეკემბრის და 1 იანვრის მდგომარეობით ასოციაციაში დასაქმებული იყო 29 და 26 თანამშრომელი, შესაბამისად. 2024 წლის განმავლობაში ასოციაციაში დასაქმებული იყო საშუალოდ 27 თანამშრომელი.

2. მნიშვნელოვანი სადრიცხო პოლიტიკების მიმოხილვა

მომზადების საფუძვლები. ასოციაციის ფინანსური ანგარიშგების პაკეტი და განმარტებითი შენიშვნები მოიცავს ასოციაციის 2024 წლის 01 იანვრიდან 31 დეკემბრის ჩათვლით პერიოდს. ფინანსური ანგარიშგება არის ასოციაციის პირველი წლიური ფინანსური ანგარიშგება, რომელიც მომზადებულია ფასს სტანდარტების შესაბამისად.

ასოციაციამ პირველად გამოიყენა ფასს სტანდარტები 2024 წლის 31 დეკემბრით დასრულებული წლის ფინანსური ანგარიშგების მოსამზადებლად. შესაბამისად ფასს სტანდარტებზე გადასვლის თარიღია 2023 წლის 1 იანვარი. ფინანსური ანგარიშგების მოსამზადებლად გამოყენებულიქნა ის ფასს სტანდარტები, რომლებიც ძალაში იყო 2024 წლის 31 დეკემბერს დამთავრებული პერიოდისათვის.

სადრიცხო პოლიტიკა, რომელსაც ასოციაცია ფასს სტანდარტების შესაბამისი წინამდებარე ფინანსურ ანგარიშგებაში იყენებს, მნიშვნელოვნად არ განსხვავდებოდა იმ სადრიცხო პოლიტიკისგან, რასაც ის იმავე თარიღისათვის იყენებდა ფინანსური ანგარიშგების მოსამზადებლად. აქედან გამომდინარე, შესწორებები წარმოიქმნა მხოლოდ იჯარის და მიღებული სესხის ოპერაციებიდან გამომდინარე. ასოციაციამ ეს შესწორებები პირდაპირ გაუნაწილებელ მოგებაში აღიარა ფასს სტანდარტებზე გადასვლის თარიღისათვის. ფასს სტანდარტებზე გადასვლამ გავლენა იქონია საანგარიშგებო ფინანსურ მდგომარეობაზე, ფინანსურ შედეგებსა და წმინდა აქტივებში (ფონდები) ცვლილებების ანგარიშგებაზე. ფასს სტანდარტებზე გადასვლის გავლენა ასახულია ქვემოთ მოტანილ ცხრილში:

ფასს სტანდარტებზე გადასვლის გავლენის შეჯერება

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები
2024 წლის 31 დეკემბრით დასრულებული წლისათვის

	31 დეკემბერი 2024		31 დეკემბერი 2023		1 იანვარი 2023	
საანგარიშგებო მუხლები	შესწორე-ბამდე	შესწორების შემდეგ	შესწორე-ბამდე	შესწორების შემდეგ	შესწორე-ბამდე	შესწორების შემდეგ
აქტივის გამოყენების უფლება	-	18 446	-	87 525	-	149 308
საიჯარო ვალდებულება	-	25 989	-	82 564	0	136 291
მიღებული სესხები	2 115 860	1 354 282	2 110 360	1 202 178	2 001 360	1 021 795
დაგროვილი დეფიციტი	(1,317,635)	(1 659 351)	(1,313,301)	(1 936 615)	(1 630 221)	(1 673 756)
საიჯარო ქირა	71 194	9 125	65 534	5 475		
აქტივის გამოყენების უფლების ცვეთის ხარჯი	(66 394)	-	(61 783)	-	-	-
საიჯარო ვალდებულების პროცენტი	(5 951)	-	(8 246)	-	-	-
ფინანსური (საპროცენტო) ხარჯი	195,437	148 726	-	130 309	-	-

ფუნქციონირებადი საწარმო. ხელმძღვანელობამ წინამდებარე ფინანსური ანგარიშგება მოამზადა ფუნქციონირებადობის პრინციპის საფუძველზე, რომელიც, საქმიანობის მიმდინარეობის პროცესში, ითვალისწინებს აქტივების რეალიზაციასა და ვალდებულებათა დაფარვას. ამ შეფასების გაკეთებისას ხელმძღვანელობამ მხედველობაში მიიღო ასოციაციის ფინანსური მდგომარეობა, არსებული განზრახვები, ოპერაციების მომგებიანობა და ფინანსური რესურსების ხელმისაწვდომობა, აგრეთვე გააანალიზა ფინანსურ ბაზრებზე არსებული სიტუაციის ზეგავლენა ასოციაციის ოპერაციებზე.

წარსადგენი ვალუტა. ასოციაციის ფინანსური ანგარიშგების ყველა ელემენტის საზომ ვალუტას წარმოადგენს ვალუტა, რომელიც გამოიყენება იმ ეკონომიკურ გარემოში, სადაც ეს ასოციაცია ახორციელებს საქმიანობას („წარსადგენი ვალუტა“). ასოციაციის ფინანსური ანგარიშგების წარსადგენი ვალუტაა ქართული ლარი („ლარი“). ანგარიშგებაში რიცხვები დამრგვალებულია მთელ რიცხვამდე.

ფინანსური ინსტრუმენტები

აღიარება და აღიარების შეწყვეტა

ასოციაცია იმ შემთხვევაში აღიარებს ფინანსურ აქტივს ან ფინანსურ ვალდებულებას, თუ იგი ხდება ფინანსური ინსტრუმენტის სახელშეკრულებო პირობების მონაწილე.

ფინანსური აქტივების აღიარება წყდება, როდესაც ფინანსური აქტივიდან ფულადი ნაკადების სახელშეკრულებო უფლებები იწურება, ან როდესაც ფინანსური აქტივი და არსებითად ყველა რისკი და სარგებელი გადაეცემა.

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები

2024 წლის 31 დეკემბრით დასრულებული წლისათვის

ფინანსური ვალდებულების (ან ფინანსური ვალდებულების ნაწილი) აღიარება წყდება, როდესაც ის შესრულდება - ე.ი. როდესაც ხელშეკრულებით განსაზღვრული ვალდებულება დაიფარება, გაუქმდება ან ვადა გაუვა.

ფინანსური აქტივების კლასიფიკაცია და საწყისი შეფასება

გარდა იმ სავაჭრო დებიტორული დავალიანებისა, რომლებიც არ შეიცავს მნიშვნელოვან დაფინანსების კომპონენტს და ფასდება ტრანზაქციის ფასით ფასს 15-ის შესაბამისად, ყველა ფინანსური აქტივი თავდაპირველად ფასდება სამართლიანი ღირებულებით, გარიგების დანახარჯების გათვალისწინებით (ასეთის არსებობის შემთხვევაში).

ასოციაცია ფინანსურ აქტივს ფლობს ისეთი ბიზნესმოდელის პირობებში, რომლის მიზანია ფინანსური აქტივების ფლობა სახელშეკრულებო ფულადი ნაკადების მიღების მიზნით და, ამავე დროს, ფინანსური აქტივის სახელშეკრულებო პირობები კონკრეტულ თარიღებს ადგენს ისეთი ფულადი ნაკადების მიღებისთვის, რომლებიც წარმოადგენს მხოლოდ ძირითადი თანხისა და ძირითადი თანხის დაუფარავ ნაწილთან დაკავშირებული პროცენტის გადახდას. შესაბამისად, ეს ფინანსური აქტივები შეფასებულია ამორტიზებული ღირებულებით.

ფინანსური აქტივების გაუფასურება

ასოციაცია საკრედიტო რისკის შეფასებისა და მოსალოდნელი საკრედიტო დანაკარგების გაზომვისას განიხილავს ინფორმაციის უფრო ფართო სპექტრს, მათ შორის წარსულ მოვლენებს, მიმდინარე პირობებს, რომლებიც გავლენას ახდენენ ინსტრუმენტის მომავალი ფულადი ნაკადების მოსალოდნელ ამოღების შესაძლებლობაზე.

ასოციაცია ფლობს სავაჭრო მოთხოვნების სახით არსებულ ფინანსურ აქტივს და მისი მოსალოდნელი საკრედიტო ზარალის შეფასებისას იყენებს პრაქტიკული ხასიათის გამარტივებული მიდგომას. გაანგარიშებისას, ასოციაცია იყენებს თავის ისტორიულ გამოცდილებას, გარე ინდიკატორებს და მომავალზე ორიენტირებულ ინფორმაციას მოსალოდნელი საკრედიტო ზარალის გამოსათვლელად, რეზერვის მატრიცის გამოყენებით. ასოციაცია სავაჭრო დებიტორული დავალიანების გაუფასურებას კოლექტიურად აფასებს, რადგან მათ აქვთ საერთო საკრედიტო რისკის მახასიათებლები, რომლებიც დაჯგუფებულია ვადაგადაცილებული დღეების მიხედვით.

ფინანსური ვალდებულებების კლასიფიკაცია და შეფასება

ასოციაციის ფინანსური ვალდებულებები მოიცავს სესხებს, სავაჭრო და სხვა გადასახდელებს.

ფინანსური ვალდებულებები თავდაპირველად ფასდება სამართლიანი ღირებულებით და, შესაბამის შემთხვევაში, კორექტირებულია გარიგების იმ დანახარჯებით, რომლებიც უშუალოდ დაკავშირებულია ფინანსური ვალდებულების გამოშვებასთან.

შემდგომში, ფინანსური ვალდებულებები ფასდება ამორტიზებული ღირებულებით ეფექტური საპროცენტო განაკვეთის მეთოდის გამოყენებით.

პროცენტთან დაკავშირებული ყველა ხარჯი შედის ფინანსურ ხარჯებში ან ფინანსურ შემოსავალში.

ფული და ფულის ეკვივალენტები. ფული და ფულადი ეკვივალენტები მოიცავს ბანკთაშორის განთავსებულ მოთხოვნამდე დეპოზიტებს და სხვა მოკლევადიან მაღალლიკვიდური ინვესტიციებს, რომელთა დაფარვის თავდაპირველი ვადა სამი თვე ან უფრო ნაკლებია. ფული და ფულადი ეკვივალენტები აღირიცხება ამორტიზირებული ღირებულებით, ეფექტური საპროცენტო განაკვეთის გამოყენებით.

უცხოურ ვალუტაში გადაანგარიშება. ფულადი აქტივები და ვალდებულებები ასოციაციის საოპერაციო ვალუტაში გადაიყვანება შესაბამისი საანგარიშო პერიოდის დასრულებისას არსებული საქართველოს ეროვნული ბანკის (სებ) მიერ გამოქვეყნებული ოფიციალური სავალუტო კურსის მიხედვით. ფულადი აქტივების და ვალდებულებების კონვერტაციის და ტრანზაქციების განხორციელების შედეგად წარმოქმნილი საკურსო მოგება და საკურსო ზარალი საოპერაციო ვალუტაში წლის ბოლოს არსებული სებ-ის მიერ გამოქვეყნებული ოფიციალური სავალუტო კურსის მიხედვით აღიარებულია მოგება-ზარალში ფინანსური შემოსავლის ან ზარალის სახით.

2024 წლის 31 დეკემბრის და 1 იანვრის მდგომარეობით, ოფიციალური გაცვლითი კურსი, როგორც ეს

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები

2024 წლის 31 დეკემბრით დასრულებული წლისათვის

განსაზღვრულია საქართველოს ეროვნული ბანკის მიერ, იყო:

	31 დეკემბერი 2024	31 დეკემბერი 2023
ლარი/1 აშშ დოლარი	2.8068	2.6894
ლარი/1 ევრო	2.9306	2.9753

ამჟამად საქართველოს ეროვნული ვალუტა - ლარი არ არის ადვილად კონვერტირებადი ვალუტა საქართველოს გარეთ.

შემოსავლის აღიარება. ასოციაცია მოქმედებს როგორც აგენტი უფლების მფლობელებსა და მოსარგებლებს შორის შუამავლის როლში. შესაბამისად, შემოსავლის აღიარება ხდება მხოლოდ იმ ოდენობით, რაც წარმოადგენს უფლებების მართვის საფასურს (არაუმეტეს შეგროვებული ჰონორარის 20%) უფლების მფლობელებისთვის შეგროვებული ჰონორარის თანხიდან. მართვის საფასურის აღიარება ხდება იმ მომენტში, როდესაც შესრულებულია ასოციაციის შესასრულებელი ვალდებულება (მაგალითად, ჰონორარის შეგროვება ან შესაბამისი მომსახურების გაწევა) და ასოციაციას აქვს უფლება აღნიშნულ მართვის საფასურზე.

მომხმარებელთან (უფლების მფლობელთან) გაფორმებული ხელშეკრულებით გათვალისწინებული შესასრულებელი ვალდებულებების შესრულების მომენტი უფლების მფლობელების მიმართ არსებული ვალდებულებების დაკმაყოფილების მომენტი, რომელიც დასრულებულად ითვლება შეგროვებული თანხების განაწილების თარიღში.

ასოციაციის მიერ შესასრულებელი ვალდებულების შესრულება ხდება დროის გარკვეულ მომენტში (უმეტესად ყოველთვიურად). მომსახურებიდან შემოსავლის აღიარების მომენტზე განსჯის საფუძველზე ხელმძღვანელობამ მიიღო გადაწყვეტილება, რომ მომხმარებელი დაპირებულ მომსახურებაზე კონტროლს მოიპოვებს ჰონორარის განაწილების დასრულების მომენტში.

ვალდებულების შესრულება არ საჭიროებს მომხმარებლისთვის ანგარიშის წარდგენას, რადგან საავტორო უფლების კოლექტიურად მართვის წესებიდან გამომდინარე ასოციაციის კუთვნილი შემოსავალი აღიარდება საანგარიშგებო თვეში განაწილებას დაქვემდებარებული თანხების განაწილების (შესასრულებელი სახელშეკრულებო ვალდებულების შესრულების) მომენტში, უფლების მფლობელებისთვის ასანაზღაურებელი თანხების დარიცხვის პარალელურად.

როდესაც წარმოიქმნება ვალდებულება უფლების მფლობელებისათვის ჰონორარის თანხის გადახდის შესახებ, ასოციაცია აღიარებს კრედიტორულ დავალიანებას ჰონორარის განაწილების საფუძველზე. კრედიტორული დავალიანება გამოხატავს ასოციაციის ფიდუციურ ვალდებულებას შეგროვილი თანხების გადაცემაზე უფლებამფლობელების სასარგებლოდ.

მოთხოვნები მოსარგებლეთა მიმართ. მოთხოვნები მოსარგებლეთა მიმართ წარმოადგენს მეცნიერების, ლიტერატურისა და ხელოვნების ნაწარმოებების ავტორების, შემსრულებლების, ფონოგრამისა და ვიდეოგრამის დამამზადებლების, აგრეთვე საავტორო და მომიჯნავე უფლებების სხვა მფლობელების (შემდგომ - უფლებების მფლობელები) სახელით შესაგროვებელ ჰონორარს. მოსარგებლეთა მიმართ მოთხოვნების აღიარება ხდება ასოციაციასა და მოსარგებლეს შორის დადებული ხელშეკრულების საფუძველზე და აღირიცხება ხელშეკრულებით შეთანხმებული ფასით. ასოციაციას მიჩნია, რომ მოსარგებლეთა მიმართ მოთხოვნები არ წარმოადგენს ფინანსურ ინსტრუმენტს და მისი აღრიცხვის წესს ვერ განსაზღვრავს ფასს 9 სტანდარტისა და ასევე სხვა ფასს სტანდარტების მოქმედების სფერო.

მოთხოვნები მოსარგებლეთა მიმართ არ წარმოშობს ასოციაციის საკრედიტო რისკს და მოთხოვნების გაუფასურებიდან მოსალოდნელი დანაკარგები ვერ იქნება ფინანსურ შედეგზე გავლენის განმაპირობებელი. ამ მოსაზრებით ასოციაცია მოსარგებლეთა მიმართ მოთხოვნებთან დაკავშირებით არ ქმნის მოსალოდნელი დანაკარგების რეზერვს.

მოსარგებლეთა მიმართ მოთხოვნების სააღრიცხვო პოლიტიკა ფასს სტანდარტებიდან ბუნებრივი გადახვევა ასოციაციის საქმიანობის ხასიათიდან გამომდინარე.

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები

2024 წლის 31 დეკემბრით დასრულებული წლისათვის

მოსარგებლებთან გაფორმებული ხელშეკრულებების ან კანონმდებლობით დადგენილი ვალდებულებების საფუძველზე, ასოციაცია აღიარებს მოთხოვნებს მოსარგებლეთა მიმართ. მიუხედავად იმისა, რომ მოთხოვნების ძირითადი ნაწილი უნდა გადაერიცხოს უფლებამფლობელებს, დებიტორული დავალიანება აღიარდება, რადგან ასოციაციას გააჩნია უფლების მფლობელებისგან მინიჭებული უფლება შესაგროვებელი ჰონორარის თანხების ამოღებაზე.

დებიტორული დავალიანების აღიარება ხდება ამოღების ან გადახდის ვალდებულების წარმოშობის მომენტში.

პერსონალის შენახვისა და პერსონალთან დაკავშირებული სხვა ხარჯები. ხელფასები, გასამრჯელოები, ყოველწლიური ანაზღაურებადი შვებულებები და ავადმყოფობის გამო შვებულებები, ზონუსები და არაფულადი შეღავათები დარიცხულია ასოციაციის თანამშრომლების მიერ შესაბამისი მომსახურებების გაწევის წელს. ასოციაციას არა აქვს რაიმე საპენსიო ან მსგავსი დახმარების გადახდის კანონით გათვალისწინებული თუ კონსტრუქციული ვალდებულება. 2019 წლის 1 იანვრიდან მოყოლებული ასოციაციას აქვს კანონით გათვალისწინებული ვალდებულება თანამშრომელთა დარიცხული ხელფასის 2%-ის გადახდის თაობაზე საპენსიო ფონდში.

იჯარა. ხელშეკრულების დადებისას, ასოციაცია განსაზღვრავს, არის თუ არა ან შეიცავს თუ არა აღნიშნული ხელშეკრულება იჯარას. ხელშეკრულება არის ან შეიცავს იჯარას, თუ ხელშეკრულების მეშვეობით ხდება იდენტიფიცირებული აქტივის კონტროლის უფლების გადაცემა გარკვეული პერიოდის განმავლობაში, ანაზღაურების მიღების სანაცვლოდ.

ასოციაცია, როგორც მოიჯარე, ხელშეკრულების დაწყების თარიღისთვის აღიარებს აქტივის გამოყენების უფლებას და შესაბამის საიჯარო ვალდებულებას ყველა იმ იჯარისთვის, რომლის ვადაც აღემატება 12 თვეს და რომლის საგანი არ წარმოადგენს დაბალფასიან აქტივს. მოკლევადიანი (12 თვემდე ვადის) და დაბალფასიანი აქტივების იჯარებთან დაკავშირებული საიჯარო გადასახდელები აღიარდება ხარჯად წრფივი მეთოდით, იჯარის ვადის განმავლობაში. აქტივის გამოყენების უფლება არ წარმოადგენს ძირითად საშუალებას (ბასს 16) და ფინანსური მდგომარეობის ანგარიშგებაში აღიარდება ცალკე მუხლად, ძირითადი საშუალებებისგან დამოუკიდებლად; შესაბამისად, ცალკეა წარმოდგენილი აქტივის გამოყენების უფლების შესახებ განმარტებითი შენიშვნები.

აქტივის გამოყენების უფლების პირველად აღიარებისას ფასდება თვითღირებულებით, რომელიც მოიცავს საიჯარო ვალდებულების საწყის შეფასებას, დაწყების თარიღამდე ან მასზე გადახდილ საიჯარო გადასახდელებს (მიღებული საიჯარო წახალისების გამოკლებით) და ასოციაციის მიერ გაწეულ პირველად პირდაპირ დანახარჯებს. პირველადი აღიარების შემდეგ, აქტივის გამოყენების უფლება აღირიცხება თვითღირებულებიდან დაგროვილი ცვეთისა და დაგროვილი გაუფასურების ზარალის გამოკლებით მიღებული თანხით და, საჭიროების შემთხვევაში, კორექტირდება საიჯარო ვალდებულების ხელახალი შეფასების შედეგად. აქტივის გამოყენების უფლებას ცვეთა ერიცხება წრფივი მეთოდით იჯარის ვადის განმავლობაში, ვინაიდან ხელშეკრულება არ ითვალისწინებს აქტივზე საკუთრების უფლების გადმოცემას იჯარის ვადის ბოლოს.

საიჯარო ვალდებულება დაწყების თარიღისთვის ფასდება ჯერ კიდევ გადაუხდელი საიჯარო გადასახდელების მიმდინარე ღირებულებით, დისკონტირებული იჯარაში ნაგულისხმევი საპროცენტო განაკვეთით, ხოლო თუ ეს განაკვეთი ადვილად ვერ განისაზღვრება - ასოციაციის ზღვრული სასესხო განაკვეთით. საიჯარო ვალდებულებას შემდგომში ერიცხება პროცენტი ეფექტური საპროცენტო განაკვეთის მეთოდით, ხოლო მისი საბალანსო ღირებულება მცირდება გადახდილი საიჯარო გადასახდელების ოდენობით. საპროცენტო ხარჯი აღიარდება სრული შემოსავლის (მოგება-ზარალის) ანგარიშგებაში. თუ საიჯარო გადასახდელები დენომინირებულია უცხოურ ვალუტაში, საიჯარო ვალდებულება, როგორც ფულადი მუხლი, ყოველი საანგარიშგებო პერიოდის ბოლოს გადაითვლება ლარში საქართველოს ეროვნული ბანკის მიერ დადგენილი ოფიციალური კურსით, ხოლო წარმოქმნილი საკურსო სხვაობა აღიარდება მოგება-ზარალში. საიჯარო ვალდებულება ფინანსური მდგომარეობის ანგარიშგებაში იყოფა მოკლევადიან და გრძელვადიან ნაწილებად ბასს 1-ის მოთხოვნების შესაბამისად. საანგარიშგებო თარიღიდან მომდევნო თორმეტი თვის განმავლობაში დასაფარი ნაწილი კლასიფიცირდება მიმდინარე ვალდებულებად, ხოლო დარჩენილი ნაწილი - გრძელვადიან ვალდებულებად.

მარაგები. მარაგის შეფასება ხდება მის თვითღირებულებასა და ნეტო სარეალიზაციო ღირებულებას

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები
2024 წლის 31 დეკემბრით დასრულებული წლისათვის
შორის უმცირესი თანხით.

მარაგის თვითღირებულება მოიცავს: მათ შეძენასთან და გადამუშავებასთან დაკავშირებულ ყველა დანახარჯს, აგრეთვე დანახარჯებს, რომლებიც გაწეულია მისი მოცემულ ადგილამდე ტრანსპორტირებისათვის და სათანადო მდგომარეობაში მოსაყვანად.

მარაგის თვითღირებულების განსაზღვრისათვის, გამოყენებულია საშუალო შეწონილი ღირებულების ფორმულა.

საანგარიშგებო პერიოდში მოხმარებული მარაგის ღირებულება შეადგენს 7 627,87 ლარს.

ძირითადი საშუალებები. ძირითადი საშუალებები აღიარდება აქტივად მხოლოდ იმ შემთხვევაში, თუ მოსალოდნელია, რომ ასოციაცია მათგან მიიღებს მომავალ ეკონომიკურ სარგებელს და შესაძლებელია აქტივის თვითღირებულების საიმედოდ შეფასება.

ძირითადი საშუალებები პირველადი აღიარებისას ფასდება თვითღირებულებით, რომელიც მოიცავს მათ შესყიდვის ფასს, იმპორტის გადასახადებს, დაუბრუნებად გადასახადებსა და ნებისმიერ ხარჯს, რომელიც პირდაპირ არის დაკავშირებული აქტივის სამუშაო მდგომარეობაში მოყვანასთან. პირველადი აღიარების შემდეგ, ძირითადი საშუალებები აღირიცხება მისი თვითღირებულებიდან დაგროვილი ცვეთისა და დაგროვილი გაუფასურების ზარალის გამოკლების შედეგად მიღებული თანხით. შემდგომი ხარჯები, რომლებიც დაკავშირებულია უკვე აღიარებულ ძირითად საშუალებებთან, ემატება აქტივის საბალანსო ღირებულებას (კაპიტალიზდება) მხოლოდ მაშინ, როდესაც ისინი აუმჯობესებენ აქტივის თავდაპირველ ნორმატიულ მაჩვენებლებს. მიმდინარე რემონტისა და ტექნიკური მომსახურების ხარჯები აღიარდება სრული შემოსავლის (მოგება-ზარალის) ანგარიშგებაში მათი გაწევის პერიოდში.

ცვეთა და სასარგებლო მომსახურების ვადა. ძირითად საშუალებებს ცვეთა ერიცხებათ მათი სასარგებლო მომსახურების ვადის განმავლობაში, წრფივი მეთოდით, რათა აქტივის ღირებულება თანაბრად განაწილდეს მის სასარგებლო ვადაზე. ცვეთის დარიცხვა იწყება აქტივის ექსპლუატაციაში შესვლის (მზადყოფნის) მომენტიდან. აქტივების ჯგუფისთვის, რომელსაც ასოციაცია ფლობს, განსაზღვრულია სასარგებლო მომსახურების შემდეგი ვადა:

ოფისის აღჭურვილობა 3 – 5 წელი;

ავეჯი და სხვა ინვენტარი 3 – 5 წელი

აქტივების სასარგებლო მომსახურების ვადები, ცვეთის მეთოდი და ნარჩენი ღირებულებები გადახედვას დაექვემდებარება ყოველი საანგარიშგებო წლის ბოლოს და საჭიროების შემთხვევაში გაკორექტირდება, როგორც სააღრიცხვო შეფასებებში ცვლილება.

ძირითადი საშუალებების გაყიდვიდან ან ლიკვიდაციიდან მიღებული მოგება ან ზარალი განისაზღვრება, როგორც სხვაობა რეალიზაციიდან მიღებულ წმინდა შემოსავალსა და აქტივის საბალანსო ღირებულებას შორის და აისახება სრული შემოსავლის (მოგება-ზარალის) ანგარიშგებაში.

მოგების გადასახადის ხარჯი. საგადასახადო კანონმდებლობის შესაბამისად, ასოციაცია არ წარმოადგენს მოგების გადასახადის სტანდარტულ გადახდელს მის ძირითად (არასამეწარმეო) საქმიანობაზე. ასოციაციის მიერ მიღებული მიზნობრივი დაფინანსება არ იბეგრება მოგების გადასახადით, თუ ის გამოიყენება ასოციაციის საწესდებო მიზნებისა და პროექტების განსახორციელებლად.

2017 წლის 1 იანვრიდან ძალაში შესული „მოგების გადასახადის რეფორმის“ მიხედვით, მოგების გადასახადით დაბეგვრის ობიექტი წარმოიშობა მხოლოდ იმ შემთხვევაში, თუ ასოციაცია ახორციელებს საგადასახადო კოდექსით განსაზღვრულ სპეციფიკურ ოპერაციებს. კერძოდ, ასოციაციისთვის მოგების გადასახადით დაბეგვრის ობიექტს წარმოადგენს:

არაკომერციული საქმიანობის ფარგლებში გაწეული ხარჯები: ნებისმიერი ხარჯი, რომელიც არ არის დაკავშირებული ასოციაციის წესდებით განსაზღვრულ მიზნებთან ან ეკონომიკურ საქმიანობასთან, ან არ არის დასაბუთებული პირველადი საგადასახადო დოკუმენტაციით;

უსასყიდლოდ საქონლის მიწოდება / მომსახურების გაწევა ან/და ფულადი სახსრების გადაცემა: თუ აღნიშნული ქმედება არ უკავშირდება ასოციაციის საწესდებო მიზნების (პროექტების) განხორციელებას;

ზღვრულ ოდენობაზე მეტი წარმომადგენლობითი ხარჯები: ხარჯები, რომლებიც აღემატება

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები

2024 წლის 31 დეკემბრით დასრულებული წლისათვის

საგადასახადო კოდექსით დადგენილ ზღვრულ ლიმიტებს.

ასოციაცია ყოველი საანგარიშგებო პერიოდის ბოლოს აფასებს, გაწეული ოპერაციებიდან რომელიმე მიეკუთვნება ზემოაღნიშნულ დაბეგვრის ობიექტებს, და შესაბამის შემთხვევაში აღიარებს მოგების გადასახადის ხარჯს იმ პერიოდში, როდესაც წარმოიშვა დაბეგვრის ობიექტი. 2024 წლის 31 დეკემბრით დასრულებული წლისათვის ასოციაციას არ წარმოქმნია მოგების გადასახადით დაბეგვრის ობიექტი და, შესაბამისად, მოგების გადასახადის ხარჯი ამ ფინანსურ ანგარიშგებაში აღიარებული არ არის.

ფინანსური ანგარიშგებების შესწორება გამოყენების შემდეგ. ნებისმიერი ცვლილება ფინანსურ ანგარიშგებაში, ფინანსური ანგარიშგების გამოცემის შემდეგ, საჭიროებს ასოციაციის ხელმძღვანელობის დადასტურებას, რომელთა მიერ მოხდა ამ ფინანსური ანგარიშგების გამოსაცემად უფლებამოსილების მინიჭება.

3. მნიშვნელოვანი სააღრიცხვო პროგნოზები და მოსაზრებები აღრიცხვის პროცედურების გამოყენებაზე

ასოციაცია იყენებს პროგნოზებს და დაშვებებს, რომლებიც გავლენას ახდენენ ფინანსურ ანგარიშგებებში მოცემულ თანხებზე და აქტივებისა და ვალდებულებების საბალანსო ღირებულების თანხებზე მომავალ საანგარიშო პერიოდში. პროგნოზებისა და შეფასებების ანალიზი ტარდება მუდმივად და ეფუძნება ხელმძღვანელობის გამოცდილებას და სხვა ფაქტორებს, მათ შორის მომავალი მოვლენების მოლოდინებს, რომლებიც გონივრულია არსებულ გარემოებებში. ხელმძღვანელობა ასევე იყენებს შეფასებებს (იმათ გარდა, რომლებიც მოიცავენ პროგნოზებს) აღრიცხვის პროცედურების გამოყენებაში. ის შეფასებები, რომელთაც ყველაზე მნიშვნელოვანი გავლენა აქვთ ფინანსურ ანგარიშგებაში აღიარებულ თანხებზე და ის პროგნოზი, რომელმაც შეიძლება გამოიწვიოს მომავალი ფინანსური წლის აქტივებისა და ვალდებულებების საბალანსო ღირებულების მნიშვნელოვანი შესწორება, მოიცავს:

მოსალოდნელი საკრედიტო დანაკარგი. ასოციაცია, კლიენტების გადახდის უუნარობით გამოწვეული სავარაუდო დანაკარგების აღსარიცხად, ქმნის მოსალოდნელ საკრედიტო დანაკარგს. მისი საკმარისობის შეფასებისას ხელმძღვანელობა ითვალისწინებს მიმდინარე ზოგად ეკონომიკურ პირობებს, სავაჭრო მოთხოვნების ნაშთების ვადიანობას, ჩამოწერის ისტორიულ გამოცდილებას, კლიენტის კრედიტსაიმედოობასა და გადახდის პირობების ცვლილებას. ეკონომიკის, დარგის თუ კლიენტის მდგომარეობის ცვლილებამ შეიძლება მოითხოვოს მოსალოდნელი საკრედიტო დანაკარგის მოდიფიცირება.

4. შეცვლილი სტანდარტებისა და ინტერპრეტაციების ამოქმედება

2024 წელს მიღებულ იქნა შემდეგი ახალი და რედაქტირებული სტანდარტები და ინტერპრეტაციები:

- ცვლილებები „ბასს 7-ში“ - ფულადი ნაკადების ანგარიშგება და „ფასს 7-ში“ - ფინანსური ინსტრუმენტები: მომწოდებლებთან ფინანსური შეთანხმებების გამჟღავნება;
- ვალდებულებების კლასიფიკაცია როგორც მიმდინარე და გრძელვადიანი („ბასს 1-ის“ ცვლილებები);
- ცვლილებები „ბასს 1-ში“ - ფინანსური ანგარიშგების წარდგენა - ცვლილებები: გრძელვადიანი ვალდებულებები ფინანსური პირობებით;
- ცვლილებები „ფასს 16-ში“ - იჯარა - იჯარის ვალდებულება გაყიდვის და უკუიჯარის შემთხვევაში.

მიმდინარე წელს ასოციაციამ გამოიყენა შესაბამისი საბჭოს მიერ გაცემული „ფასს“ სტანდარტებსა და ინტერპრეტაციებში ზემოთ მოყვანილი ცვლილებები, რომლებიც ძალაშია წლიური პერიოდისთვის, რომელიც იწყება 2024 წლის 1 იანვარს ან შემდეგ. მათ მიღებას არანაირი მნიშვნელოვანი გავლენა არ მოუხდენია ინფორმაციის გამჟღავნებაზე ან ამ ფინანსურ ანგარიშგებაში აღრიცხულ თანხებზე.

ასოციაციას ჯერ არ გამოუყენებია ქვემოთ ჩამოთვლილი ახალი და რედაქტირებული „ფასები“, რომლებიც უკვე გამოიცა, მაგრამ ძალაში ჯერ არ შესულა:

ინტელექტუალური საკუთრების მფლობელთა ასოციაცია

ფინანსურ ანგარიშგების განმარტებითი შენიშვნები

2024 წლის 31 დეკემბრით დასრულებული წლისათვის

- ცვლილებები „ბასს 21-ში“ - უცხოური ვალუტის კურსის ცვლილებებით გამოწვეული შედეგები: გაცვლის შესაძლებლობის არარსებობა¹;
- „ფასს 18“ - ფინანსურ ანგარიშგებაში წარმოდგენა და გამჟღავნება²;
- „ფასს 19“ - შვილობილი კომპანიები საზოგადოებრივი ანგარიშვალდებულების გარეშე: გამჟღავნება².

ასოციაციის ხელმძღვანელობა არ ვარაუდობს, რომ ამ შესწორებათა გამოყენება არსებით ზეგავლენას იქონიებს ასოციაციის ფინანსურ ანგარიშგებაზე.

¹. ძალაშია 2024 წ. 1 იანვარს ან მის შემდეგ დაწყებული წლიური პერიოდებისათვის, ვადამდელი გამოყენება დაშვებულია;

². ძალაშია 2027 წ. 1 იანვარს ან მის შემდეგ დაწყებული წლიური საანგარიშგებო პერიოდებისათვის, ვადამდელი გამოყენება დაშვებულია;

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)
2024 წლის 31 დეკემბრით დასრულებული წლისათვის

5. ძირითადი საშუალებები

	ოფისის აღჭურვილობა	ავეჯი და სხვა ინვენტარი	სულ
31 დეკემბერი 2022	33 681	57 269	90 950
შემოსვლა	-	355	355
გასვლა			-
31 დეკემბერი 2023	33 681	57 624	91 305
შემოსვლა	3 953	-	3 953
გასვლა			-
31 დეკემბერი 2024	37 633	57 624	95 257
ცვეთა და გაუფასურება			-
31 დეკემბერი 2022	(19 480)	(21 913)	(41 393)
პერიოდის ცვეთა	(6 736)	(11 099)	(17 835)
გასვლა			-
31 დეკემბერი 2023	(26 216)	(33 012)	(59 228)
პერიოდის ცვეთა	(3 412)	(8 092)	(11 504)
გასვლა			-
31 დეკემბერი 2024	(29 628)	(41 104)	(70 731)
წმინდა საბალანსო ღირებულება			-
31 დეკემბერი 2022	14 201	35 356	49 557
31 დეკემბერი 2023	7 465	24 612	32 077
31 დეკემბერი 2024	8 006	16 520	24 526

6. აქტივების გამოყენების უფლება

ასოციაციას აქტივების გამოყენების უფლება და შესაბამისი საიჯარო ვალდებულება წარმოეშვა საოფისე ფართის იჯარისა და ჰიპერგრადის პროგრამული უზრუნველყოფის ხანგრძლივი გამოყენების უფლებასთან დაკავშირებით. აქტივების გამოყენების უფლებასთან დაკავშირებული ინფორმაცია გახსნილია ქვემოთ მოტანილ ცხრილში.

	საოფისე ფართის იჯარა	ჰიპერგრადის გამოყენების უფლება	სულ
2023 წელი			
აქტივების გამოყენების უფლებების ცვეთა	(61 783)	-	(61 783)
იჯარასთან დაკავშირებით გასული ფულადი ნაკადების ჯამური თანხა	60 059	-	60 059
აქტივების გამოყენების უფლებების საბალანსო ღირებულება საანგარიშგებო პერიოდის ბოლოს	87 525	-	87 525
2024 წელი			
აქტივების გამოყენების უფლებების ცვეთა	(61 783)	(4 611)	(66 394)

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)

2024 წლის 31 დეკემბრით დასრულებული წლისათვის

იჯარასთან დაკავშირებით გასული ფულადი ნაკადების ჯამური თანხა	62 069	-	62 069
აქტივების გამოყენების უფლებების საბალანსო ღირებულება საანგარიშგებო პერიოდის ბოლოს	-	18 446	18 446

2024 წლის 31 დეკემბრის მდგომარეობით ასოციაციას აქვს მხოლოდ ერთი მოქმედი აქტივის გამოყენების უფლება - Rozum Europe GmbH-ის პროგრამული ლიცენზია, რომლის მიხედვით ერთჯერადი ფიქსირებული საზღაური 10,000 აშშ დოლარი გადასახდელია 2025 წლის 29 დეკემბერს ანუ საანგარიშგებო თარიღიდან 12 თვეზე ნაკლებ ვადაში, რის გამოც მთლიანად შედის „სამი თვიდან ერთ წლამდე“ კატეგორიაში. საოფისე ფართის იჯარა ვადამდე შეწყდა 2024 წლის 31 დეკემბერს, დამატებითი ანაზღაურების გარეშე, შესაბამისად 2024 წლის ბოლოსთვის მასზე მომავალი გადასახდელები აღარ არსებობს.

ინფორმაცია მომავალი მინიმალური საიჯარო გადასახდელების არადისკონტირებული მთლიანი თანხის შესახებ, რომელთა გადახდა მოსალოდნელია იჯარის მიხედვით, შემდეგი პერიოდებისათვის:

	31.12.2024	31.12.2023
ა) არა უგვიანეს ერთი თვისა	-	5 110
ბ) ერთი თვის შემდეგ და არა უგვიანეს სამი თვისა	-	10 220
გ) სამი თვიდან ერთ წლამდე ვადის	28 068	45 989
დ) ერთი წლიდან ხუთ წლამდე ვადის	-	25 549
სულ არადისკონტირებული საიჯარო გადასახდელები	28 068	86 868

7, სავაჭრო და სხვა მოთხოვნები

2024 წლის 31 დეკემბრის და 1 იანვრის მდგომარეობით, სავაჭრო და სხვა მოთხოვნების ნაშთი მოიცავს შემდეგს:

	31.12.2024	31.12.2023	01.01.23
სავაჭრო მოთხოვნები	43 177	28 205	18 961
მოთხოვნები ასოციაციის პერსონალის მიმართ	2 159	2 106	
სხვა მოთხოვნები	2 859	2 306	1 852
სულ სავაჭრო და სხვა მოთხოვნები	48 195	32 617	20 813
მოსალოდნელი საკრედიტო დანაკარგი	-	-	-
სულ სავაჭრო და სხვა მოთხოვნები, წმინდა	48 195	32 617	20 813

8. ფული და ფულის ეკვივალენტები

2024 წლის 31 დეკემბრის და 1 იანვრის მდგომარეობით, ფული და ფულის ეკვივალენტების ნაშთი მოიცავს შემდეგს:

	31.12.2024	31.12.2023	01.01.23
ნაღდი ფული სალაროში	365	365	544
ფული ბანკში ეროვნულ ვალუტაში	3 492 422	111 194	22 668
ფული ბანკში ეროვნულ ვალუტაში	6 700	2 944	15 379

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)

2024 წლის 31 დეკემბრით დასრულებული წლისათვის

სულ ფული და ფულის ეკვივალენტი	3 499 486	114 503	38 591
--------------------------------------	------------------	----------------	---------------

9. მიღებული სესხები

2024 წლის 31 დეკემბრის და 1 იანვრის მდგომარეობით, სესხების ნაშთი მოიცავს შემდეგს:

	ვალუტა	საპროცენტო განაკვეთი	დაფარვის ვადა	31.12.2024	31.12.2023	01.01.23
სესხი						
ფიზიკური პირიდან	ლარი	12,57%	24.02.2029	1 354 282	1 202 178	1 021 795
სულ ნასესხები				1 354 282	1 202 178	1 021 795
სახსრები						

სესხების ვადიანობა:

	31.12.2024	31.12.2023	01.01.23
ერთ თვემდე	-	-	-
ერთიდან სამ თვემდე	-	-	-
სამიდან თორმეტ თვემდე	-	-	-
სულ ერთ წელიწადში გადასახდელი	-	-	-
ერთიდან ხუთ წლამდე	1 354 282	1 202 178	1 021 795
ხუთ წელზე მეტი	-	-	-
სულ ნასესხები სახსრები	1 354 282	1 202 178	1 021 795

ქვემოთ მოცემულ ცხრილში ნაჩვენებია ფინანსური საქმიანობიდან წარმოშობილი ვალდებულებების, მათ შორის, ფულადი და არაფულადი ცვლილებები.

	01.01.2024	ფულადი სახსრები ფინანსური საქმიანობიდან	პროცენტის ცვლილება	31.12.2024
აღებული სესხები	1 202 178	3 377	148 726	1 354 282
სესხის არადისკონტირებული ღირებულება	2 110 360	5 500		2 115 860

10. სავაჭრო და სხვა ვალდებულებები

2024 წლის 31 დეკემბრის და 1 იანვრის მდგომარეობით, სავაჭრო და სხვა ვალდებულებების ნაშთი მოიცავს შემდეგს:

	31.12.2024	31.12.2023	01.01.23
სავაჭრო ვალდებულებები	197 825	198 167	130 371
გადასახდელი ჰონორარი	740	740	30 160
სულ სავაჭრო და სხვა ვალდებულებები	198 565	198 907	160 531

ასოციაციის ყველა ვალდებულება შეფასებულია ამორტიზებული ღირებულებით.

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)
2024 წლის 31 დეკემბრით დასრულებული წლისათვის

11. ფინანსური ვალდებულება

წინამდებარე მუხლში ასახულია ასოციაციის მიერ მოსარგებლეებისგან შესაგროვებელი ჰონორარი და შეგროვებული არაიდენტიფიცირებულ უფლებამფლობელთათვის გასანაწილებელი ჰონორარის თანხები.

	31.12.2024	31.12.2023	01.01.23
შესაგროვებელი ჰონორარი	3 294 929	-	-
ვალდებულება არაიდენტიფიცირებულ საავტორო უფლების მფლობელთა წინაშე	3 490 001	10 716	-
სულ ფინანსური ვალდებულება	6 784 930	10 716	-

12. მთლიანი შემოსავალი

ასოციაციის მთლიანი შემოსავალი ფორმირებულია შემდეგი წყაროებიდან:

	2024 წელი	2023 წელი
მართვის საფასური	1 203 911	530 931
სხვა შემოსავლები	1 319	90 470
სულ შემოსავალი	1 205 230	621 401

13. სხვა საოპერაციო ხარჯები

სხვა საოპერაციო ხარჯები შედგება შემდეგი ელემენტებისაგან:

	2024 წელი	2023 წელი
საშუამავლო ხარჯი	-	66 046
რეკლამის / სპონსორობის ხარჯები	28 475	55 343
საიჯარო ქირა	9 125	5 475
კომუნიკაციის ხარჯები	7 180	5 139
აუდიტისა და საგადასახადო კონსულტაციის ხარჯები	20 000	-
აღსრულების ეროვნული ბიუროს მომსახურების ხარჯი	3 800	-
საკუთრიერო მომსახურების ხარჯი	100	-
FACEBOOK-ის მომსახურების ხარჯი	530	-
ქონების გადასახადის ხარჯი	277	-
ბანკის საკომისიო	10 767	4 783
საკანცელარიო ხარჯი	6 899	3 957
კომპიუტერული აქსესუარებისა და მომსახურების ხარჯი	657	1 396
თარგმნის ხარჯი	2 501	1 876
იურიდიული მომსახურების ხარჯი	10 749	10 726

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)

2024 წლის 31 დეკემბრით დასრულებული წლისათვის

ძირით. საშუალების მოვლა/შენსახვის ხარჯი		216
საფოსტო მომსახურების ხარჯი	19 241	220
სხვადასხვა ხარჯი	539	37 107
იურიდიული და ბუღალტრული მომსახურების ხარჯი	17 102	6 000
ACRCLOUD მონიტორინგი	27 787	-
მუსიკალური სადამოს გაფორმების ორგანიზების ხარჯი	15 712	-
ექსპერტიზის ხარჯი	13 475	-
სულ სხვა საოპერაციო ხარჯები	194 914	198 284

14. პირობითი და ნაკისრი ვალდებულებები

სამართლებრივი პროცედურები. პერიოდულად და ჩვეულებრივი საქმიანობის ფარგლებში, ასოციაციის მიმართ შეიძლება წარმოდგენილი იყოს მოთხოვნები. ანგარიშგების თარიღისთვის, მენეჯმენტი არ არის საქმის კურსში ასოციაციის მიმართ რაიმე მოთხოვნის თაობაზე, რომელსაც შესაძლებელია გავლენა ჰქონდეს ასოციაციის ფინანსურ პოზიციაზე.

საგადასახადო კანონმდებლობა. საქართველოს საგადასახადო კანონმდებლობაში არსებობს ისეთი მუხლები, რომელთა ინტერპრეტაცია სხვადასხვაგვარადაა შესაძლებელი. აქედან გამომდინარე, იმ შემთხვევაში, თუ რომელიმე კონკრეტული ქმედება, რომელიც ეფუძნება ხელმძღვანელობის მიერ ასოციაციის საქმიანობის თავისებურად განსჯას, არ იქნება მოწონებული საგადასახადო ორგანოების მიერ, ასოციაციას შეიძლება დაერიცხოს დამატებითი გადასახადები, ჯარიმები და საურავები. ასოციაცია მიიჩნევს, რომ მათ გადაიხადეს საგადასახადო კანონით მოთხოვნილი გადასახადები და რომ დამატებითი რეზერვების შექმნა ფინანსურ ანგარიშგებაში არ არის საჭირო. საგადასახადო ორგანოებისათვის ინფორმაციაზე წვდომა ღიაა სამი წლის განმავლობაში.

საოპერაციო გარემო. საქართველო, როგორც განვითარებადი ბაზარი, ხასიათდება ისეთი რისკებით, რომლებიც არ არსებობს განვითარებული ბაზრების უმეტესობაზე, მათ შორის ეკონომიკური, პოლიტიკური და სოციალური, იურიდიული და საკანონმდებლო. წესები და კანონები, რომლებიც გავლენას ახდენს საქართველოში არსებულ ეკონომიკურ მდგომარეობაზე, კვლავ ექვემდებარება სწრაფ ცვლილებებს. საქართველოში საგადასახადო და მარეგულირებელი კანონმდებლობის ინტერპრეტაცია სხვადასხვაგვარადაა შესაძლებელი. საქართველოს მომავალი ეკონომიკური მიმართულება მნიშვნელოვნადაა დამოკიდებული ხელისუფლების მიერ განხორციელებულ ფისკალურ და ფულადი ღონისძიებების ეფექტურობაზე, საკანონმდებლო, რეგულირების და პოლიტიკური განვითარების პარალელურად.

ბოლო ორი წლის განმავლობაში საქართველოში რამდენიმე საკანონმდებლო ცვლილება განხორციელდა, რომლებიც ძირითადად ქვეყნის ევროკავშირთან დაახლოების გეგმებს უკავშირდება. 2024 და 2023 წლების განმავლობაში ჩატარებულ საკანონმდებლო ცვლილებებს ერთგვარად გზის გამკვლევის ფუნქცია ეკისრებოდა საქართველო-ევროკავშირის დაახლოების სამოქმედო გეგმის პარალელურად მრავალი სხვა რეფორმა მოსალოდნელი.

ამავე პერიოდში, მსოფლიოში არსებული გლობალური და გეოპოლიტიკური მდგომარეობიდან გამომდინარე, არსებობდა მაღალი ფინანსური რისკები, კერძოდ: გეოპოლიტიკური გარემო; ფასები, მიწოდების (მაგ. ტრანზაქცია) შეფერხება და საინვესტიციო კლიმატი; ინფლაცია; მაღალი ოპერაციული ხარჯები; მომეტებული სარეგულაციო მოთხოვნები; კიბერუსაფრთხოება და სხვადასხვა ტექნოლოგიური საფრთხეები; ვალუტის კურსის ცვლილებები და საერთაშორისო თანამშრომლობის რისკები. აქედან გამომდინარე, შეუძლებელია წინასწარ განისაზღვროს ყველა ის მოვლენა, რამაც შეიძლება გავლენა იქონიოს საქართველოს ეკონომიკაზე და შესაბამისად, თუ რა გავლენას მოახდენენ ისინი ასოციაციის მომავალ ფინანსურ მდგომარეობაზე. მენეჯმენტი თვლის, რომ ასოციაციის საქმიანობის მდგრადობის და ხელშეწყობის მიზნით, იღებს ყველა საჭირო ზომას.

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)
2024 წლის 31 დეკემბრით დასრულებული წლისათვის

15. ფინანსური რისკების მართვა

ასოციაციაში რისკების მართვა ხორციელდება ფინანსურ რისკებთან, საოპერაციო რისკებთან და სამართლებრივ რისკებთან დაკავშირებით. ფინანსური რისკი მოიცავს საბაზრო რისკს (მათ შორის, სავალუტო რისკს, საპროცენტო რისკს და სხვა საფასო რისკს), საკრედიტო რისკს და ლიკვიდურობის რისკს. ფინანსური რისკების მართვის ძირითადი ამოცანებია: რისკების ლიმიტების დადგენა და შემდეგ რისკების მაჩვენებლების ამ ლიმიტების ფარგლებში შენარჩუნება. საოპერაციო და სამართლებრივი რისკების მართვის მიზანია შიდა პროცედურების სათანადო ფუნქციონირების უზრუნველყოფა საოპერაციო და სამართლებრივი რისკების მინიმუმამდე დასაყვანად.

საკრედიტო რისკი. ასოციაციაზე გავლენას ახდენს საკრედიტო რისკი. საკრედიტო რისკი ნიშნავს ფინანსური ინსტრუმენტის ერთი მხარის ფინანსური ზარალის რისკს იმ შემთხვევაში, თუ მეორე მხარე დროულად ვერ შეასრულებს თავის ვალდებულებას. საკრედიტო რისკი გამომდინარეობს ასოციაციის მიერ კონტრაგენტებზე კრედიტით გაყიდული პროდუქტებიდან და ასევე ჯგუფის მიერ კონტრაგენტებთან განხორციელებული სხვა ოპერაციებიდან, რომლებიც ფინანსურ აქტივებს წარმოშობს.

ასოციაციაზე საკრედიტო რისკის მაქსიმალური გავლენა აქტივების კლასების მიხედვით ასახულია ფინანსური მდგომარეობის ანგარიშში წარმოდგენილ ფინანსური აქტივების საბალანსო ღირებულებებში:

	31.12.24	31.12.23	01.01.23
სავაჭრო და სხვა მოთხოვნები	777 183	82 297	92 192
ფული და ფულის ეკვივალენტი	3 499 486	114 503	38 591
სულ საკრედიტო რისკი	4 276 669	196 800	130 783

საკრედიტო რისკის დასახასიათებლად სავაჭრო მოთხოვნებში შეტანილია გასანაწილებელ ჰონორარზე მოთხოვნების 20% (რომელიც შეგროვებული ჰონორარიდან მართვის საფასურის სახით იქნება გამოქვითული და შემოსავლად აღიარებული), იმ მოტივით, რომ ასოციაცია გასანაწილებელი ჰონორარის მოთხოვნებიდან მოელის მაქსიმუმ 20%, რომელიც შესაძლოა დაექვემდებაროს საკრედიტო რისკს.

საბაზრო რისკი. საბაზრო რისკი გამომდინარეობს (ა) უცხოურ ვალუტაში, (ბ) პროცენტიან აქტივებში და ვალდებულებებში და (გ) წილობრივ ფინანსურ ინსტრუმენტებში არსებული ღია პოზიციებიდან, რომლებზეც ზეგავლენას ახდენს ბაზარზე მიმდინარე ზოგადი და კონკრეტული ცვლილებები. ხელმძღვანელობას მიაჩნია, რომ არ არსებობს საბაზრო რისკის მოლოდინი, რადგან არ ფლობს ისეთ ფინანსურ ინსტრუმენტებს, რაზეც ბაზარზე მიმდინარე ცვლილებებს ეფექტი ექნებოდა.

სავალუტო რისკი. სავალუტო რისკი განიმარტება, როგორც რისკი იმისა, რომ ფინანსური ინსტრუმენტის ღირებულება შეიცვლება უცხოური ვალუტის გაცვლითი კურსის ცვალებადობასთან ერთად. ასოციაცია ახორციელებს უცხოურ ვალუტებში დენომინირებულ გარკვეულ ტრანზაქციებს. სავალუტო რისკდამოკიდებულების სამართავად წარმოებულ ინსტრუმენტებს ასოციაცია არ იყენებს.

ასოციაციას უცხოურ ვალუტაში დენომინირებული არსებითი ფულადი აქტივები და ვალდებულებები არ გააჩნია. შესაბამისად სავალუტო რისკის ფაქტორი არ არსებობს.

ფონდების რისკი. ასოციაცია კაპიტალს მართავს იმის უზრუნველსაყოფად, რომ ასოციაციამ შეძლოს ფუნქციონირებადი საწარმოს სტატუსით საქმიანობის გაგრძელება, ასევე სესხისა და საკუთარი კაპიტალის ბალანსის ოპტიმიზების გზით, მაქსიმალურად გაზარდონ თავიანთი უკუგება.

ასოციაცია ფონდების მონიტორინგს ახორციელებს წმინდა ვალის კაპიტალთან შეფარდებით. წმინდა ვალი გამოითვლება მთლიან სესხებს (მათ შორის „მიმდინარე და გრძელვადიანი სესხები“, როგორც ეს ნაჩვენებია ფინანსური მდგომარეობის ანგარიშში) გამოკლებული ფული და ფულის ეკვივალენტები.

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)

2024 წლის 31 დეკემბრით დასრულებული წლისათვის

მთლიანი ფონდი გამოითვლება როგორც „წმინდა აქტივები“, როგორც ეს ნაჩვენებია ფინანსური მდგომარეობის ანგარიშგებაში.

	31.12.24	31.12.23	01.01.23
სულ მიღებული სესხები (შენიშვნა 9)	1 354 282	1 202 178	1 021 795
ფული და ფულის ეკვივალენტები (შენიშვნა 8)	(3 499 486)	(114 503)	(38 591)
წმინდა სესხები	(2 145 204)	1 087 675	983 204
სულ წმინდა აქტივები	(1 659 352)	(1 936 614)	(1 673 755)
წმინდა სესხების თანაფარდობა წმინდა აქტივებთან	1,29	(0,6)	(0,59)

საპროცენტო რისკი. ასოციაცია საპროცენტო რისკის სამართავად წარმოებულ ინსტრუმენტებს არ იყენებს. თუმცა, ასოციაციის ფინანსური აქტივებისა და ვალდებულებების გარკვეული ნაწილი ფიქსირებულგანაკვეთიანია და, ამდენად, რისკი მცირეა.

ლიკვიდურობის რისკი. ლიკვიდურობის რისკის მართვისთვის ხელმძღვანელობა აკონტროლებს საკმარისი ფულადი სახსრების ქონას, ასევე დაფინანსების წყაროების ხელმისაწვდომობას და უნარს დაფაროს ყველა ვალდებულება. ასოციაცია ამ ეტაპზე უზრუნველყოფს მოქნილობას მომწოდებლის მიერ კრედიტორული ლიმიტის შენარჩუნების გზით.

ფულადი ნაკადების პროგნოზირება ხორციელდება ასოციაციის საოპერაციო განყოფილების მიერ და აგრეგირდება ასოციაციის საფინანსო განყოფილების მიერ. ასოციაციის საფინანსო განყოფილება იმ ლიკვიდურობის მოთხოვნის მონიტორინგს ატარებს, რომელიც მას სჭირდება რწმუნებისთვის რომ გააჩნია საკმარისი ფულადი სახსრები საოპერაციო საქმიანობისთვის.

სამუშაო კაპიტალისთვის საჭიროზე მეტი ფულადი სახსრებით იფარება მომწოდებლების კრედიტორული დავალიანება, რომელიც აღრიცხულია მოკლევადიან ვალდებულებად. ასოციაციას აქვს განზრახული მიღებული მოგების ხარჯზე მოზიდული ფულადი სახსრებით მაქსიმალურად შეამციროს კრედიტორული დავალიანების ნაშთი, გაუმჯობესოს ასოციაციის უნარი, დაფაროს სხვა არაურთიერთდამოკიდებული კრედიტორების დავალიანება, ლიკვიდობის გაუარესების გარეშე.

ქვემოთ წარმოდგენილ ცხრილში ნაჩვენებია ფინანსური აქტივების და ვალდებულებების დარჩენილი სახელშეკრულებო ვადიანობის ანალიზი 2024 წლის 31 დეკემბრის და 1 იანვრის მდგომარეობით. ვადიანობის ცხრილში ასახული თანხები არის ხელშეკრულებით გათვალისწინებული არადისკონტირებული ფულადი ნაკადები. ასეთი არადისკონტირებული ფულადი ნაკადები განსხვავდება ფინანსური მდგომარეობის ანგარიშში ასახული თანხებისგან, რადგან ფინანსური მდგომარეობის ანგარიშში ასახული თანხა ეფუძნება დისკონტირებულ ფულად ნაკადებს. უცხოურ ვალუტაში გადახდილი თანხების გადაყვანა ხორციელდება სპოტ კურსით ანგარიშგების პერიოდის ბოლოს.

ფინანსური აქტივების და ვალდებულებების ვადიანობის ანალიზი 2024 და 2023 წლის 31 დეკემბრის და 1 იანვრის მდგომარეობით:

2024 წლის 31 დეკემბერი:

	6 თვემდე	6-დან 12 თვემდე	1 წელზე მეტი	სულ
აქტივები				
ფული და ფულის ეკვივალენტები	3,499,486	-	-	3,499,486
სავაჭრო და სხვა მოთხოვნები	3,693,137	-	-	3,693,137

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)

2024 წლის 31 დეკემბრით დასრულებული წლისათვის

სულ სამომავლო მისაღები თანხები, ძირითადი და პროცენტის თანხების ჩათვლით	7,192,623	-	-	7,192,623
ვალდებულებები				
სავაჭრო და სხვა ვალდებულებები	198,565	-	-	198,565
ფინანსური ვალდებულებები (შენიშვნა 11)	3,294,929	-	-	3,294,929
საიჯარო ვალდებულება (მიმდინარე ნაწილი)	-	25,989	-	25,989
მიღებული სესხები	-	-	2,115,860	2,115,860
სულ სამომავლო გადახდები, ძირითადი და პროცენტის თანხების ჩათვლით	3,493,494	25,989	2,115,860	5,635,343
ლიკვიდობის დეფიციტი	3,699,129	(25,989)	(2,115,860)	1,557,280
ლიკვიდობის ჯამური დეფიციტი	3,699,129	3,673,140	1,557,280	

2023 წლის 31 დეკემბერი:

	6 თვემდე	6-დან 12 თვემდე	1 წელზე მეტი	სულ
აქტივები				
ფული და ფულის ეკვივალენტები	114,503	-	-	114,503
სავაჭრო და სხვა მოთხოვნები	281,017	-	-	281,017
სულ სამომავლო მისაღები თანხები,ძირითადი და პროცენტის თანხების ჩათვლით	395,520	-	-	395,520
ვალდებულებები				
სავაჭრო და სხვა ვალდებულებები	198,907	-	-	198,907
მიღებული სესხები	-	-	2,110,360	2,110,360
საგადასახადო ვალდებულებები	43,704	-	-	43,704
სულ სამომავლო გადახდები, ძირითადი და პროცენტის თანხების ჩათვლით	242,611	0	2,110,360	2,352,971
ლიკვიდობის დეფიციტი	152,909		(2,110,360)	(1,957,451)
ლიკვიდობის ჯამური დეფიციტი	152,909	152,909	(1,957,451)	

16. ოპერაციები დაკავშირებულ მხარეებთან და დაუფარავი ნაშთები

ზოგადად, მხარეები დაკავშირებულად ითვლებიან, თუ ისინი საერთო კონტროლის ქვეშ არიან ან ერთ მხარეს აქვს მეორე მხარის კონტროლის უნარი ან შეუძლია მნიშვნელოვანი გავლენა იქონიოს ან ერთობლივი კონტროლი განახორციელოს მეორე მხარეზე ფინანსური და საოპერაციო გადაწყვეტილებების მიღებისას. დაკავშირებული მხარის თითოეული შესაძლო ურთიერთობის განხილვისას ყურადღება ექცევა ამ ურთიერთობის შინაარსს და არა უბრალოდ იურიდიულ ფორმას.

ასოციაციას ფინანსური ანგარიშგებით მოცულ პერიოდში დაკავშირებულ მხარესთან არსებული ოპერაციები და ნაშთები შემდეგნაირად ხასიათდება:

დაკავშირებული მხარისგან მიღებული სესხი. მე-9 შენიშვნაში აღწერილი გრძელვადიანი სესხი მიღებულია ფიზიკური პირისგან, რომელიც სესხის უდიდესი ნაწილის გაცემის პერიოდში (2022-2023 წ.) იყო უმაღლესი რანგის ხელმძღვანელი, ხოლო 2024 წელს ითვლებოდა მნიშვნელოვანი გავლენის

ინტელექტუალური საკუთრების მფლობელთა ასოციაცია

ფინანსურ ანგარიშგებასთან არსებული შენიშვნები (გაგრძელება)

2024 წლის 31 დეკემბრით დასრულებული წლისათვის

მქონე პირად. სესხთან დაკავშირებული ოპერაციების და ნაშთების არადისკონტირებული თანხები წლების მიხედვით შემდეგია:

	2024 წელი	2023 წელი	2022 წელი
სესხის მიღება	5500	109 000	784 000
ნაშთი წლის ბოლოს	2 115 860	2 110 360	2 001 360

უმაღლესი რანგის ხელმძღვანელობის ანაზღაურება. ასოციაცია უმაღლესი რანგის ხელმძღვანელობის წევრებად განიხილავს ხელმძღვანელობისა და წარმომადგენლობის უფლებამოსილების მქონე პირებს. მათი ანაზღაურების შესახებ ინფორმაცია მოტანილია ქვემოთ:

	2024 წელი	2023 წელი
დასაქმებულთა მოკლევადიანი გასამრჯელოები	136 618	36 507
დასაქმებულთა სხვა გრძელვადიანი გასამრჯელოები	2 326	693
ჯამი	138 944	37 200

17. შემდგომი მოვლენები

საანგარიშო პერიოდის შემდგომ ისეთ მნიშვნელოვან გარემოებებს, რომელთა ფინანსურ ანგარიშგებაში განმარტება საჭირო იქნებოდა, ადგილი არ ჰქონია.

გიორგი ნიკოლაიშვილი

გენერალური დირექტორი